



أحمد يونس  
نادر فوده  
العزاد والجحيم



سقا

# عاشق الجاني





رواية

## العزراء والجسيم

سما  
للتنوير والتوزيع

## اهداء



اهدي هذا العمل لروح امي الحبيبه

حافظوا على امهاتكم


والزموا برهم .....



قبل ان تدرك انه قد :

ماتت التي كنت تكرم لأجلها ..

احمد يونس

BOOKS





ONE PIECE

بِسْمِ اللَّهِ الرَّحْمَنِ الرَّحِيمِ

(مقدمة)

BOOKS

■ الثلاثاء السادسة مساءً:

أجلس في المقهى المجاور لمنزلي وسط القاهرة لكي أستجمع  
شئيات نفسي وأستوعب كل ما حدث لكي أقصه عليكم بدقة،  
دون أن أغفل عن أي حدث ولو بسيطاً ،  
دومًا لعصير البرتقال مفعول سحري في تهدئة أعصابي  
واسترخائي، وهأنذا الآن أتناول الكوب الثالث من أجل أن  
أبدأ في الكتابة .

نظرات المحيطين بي لا أستطيع أن أفهمها، ربما يتعجبون من  
أكواب العصير، وربما عيوني الزائغة والتي تنظر دومًا للفراغ  
تفضحني، وربما يرون شيئًا آخر، دومًا ما أشعر أنه يلاحقني كلما  
هممت في كتابة عمل جديد .

لذا قررت ألا أشغل بالي طويلاً بتلك النظرات، ولكنني  
للأسف لا أستطيع أن أتجاهل تلك الأنفاس المارة خلف أذني،  
والتي لا يفرق معها كثيرًا إذا كنت أتجاهل أم أقوم بإحصائها.

وفي أول سطور هذه الأوراق أذكركم بمن أنا .

أنا نادر فودة الصحفي بجريدة عمق الحدث، باب ما وراء الطبيعة.

الصحفي الباحث عن المتاعب .

الصحفي العاشق للظلام .

الصحفي الراض لكل ما هو عقلاي ومنطقي .

لم تكن يمنعني عنكم تلك الفترة الطويلة من قبيل المصادفة، بل بمحض إرادتي ورغبتني؛ لأنني تعودت ألا أعود إليكم إلا وأنا أحمل في جعبتي ما يليق بكم .


حيث إنني كنت سأعود إليكم بمغامرة كاملة تتعلق بلعنة فرعونية قاتلة، ولكنني وجدت أنها قريبة بشكل أو بآخر برواية النقش الملعون، فقررت أن أحتفظ بها في أدراجي الخاصة، ثم خضت مغامرة أخرى في الصحراء، ولكن حينما قصصتها على صديقي الإعلامي أحمد يونس ألح عليّ في أن يقصها على مستمعيه في الإذاعة، وحيث إن هذا الراجل أدين له بالفضل في شهرتي التي أحظى بها الآن؛ فلم أستطع أن أرفض طلبه . وأعتقد أنكم قد سمعتم تلك المغامرة كاملة التي رواها عليكم في ليالي فبراير الشتوية الباردة .

وها قد أتاني خطاب جديد سوف يكون بين أيديكم في  
الصفحات القادمة.

عذرًا للإطالة في مقدمتي، ولكن السبب وراء ذلك هو  
الاشتياق إليكم والحنين لمجالستكم.

صديقي القارئ زائر معرض الكتاب خصيصًا لأجلي  
أنتيكم بمغامره مختلفه وشيقه جدا كي اعوضكم عن طول  
فترة غيابي.

BOOKS





الخطاب الأول

(الخطاب)

BOOKS



إلى الكاتب والصحفي القدير نادر فودة:

أبعث إليك هذا الخطاب مخاطبًا فيك الإنسان قبل الصحفي  
أو الكاتب.

من أبٍ مكلوم فقد طريق الحياة ولم يعد لديه أمل سوى في  
شخصكم الكريم.

بالله عليك أنقذ حطام هذا المنزل قبل أن يتهاوى تمامًا ويصبح  
أطلالاً، أنا لا أطلب المستحيل في أن يعود كل شيء إلى سابق  
عهد.

لكني أتوسل إليك أن تساعدني في إنقاذ ما يمكن إنقاذه؛ إذ  
ربما يجعلك الله سببًا في ذلك.

انتظرك في هذا العنوان وأرجو ألا تخذلني .

١٥ شارع ... متفرع من شارع ... الدور السابع، بورسعيد.

يرسله لكم أب أو ربما الأفضل حطام أب (حسن عطية).

الجواب ده لما استلمته كنت في نهاية يوم شغل ما بعبروش  
الطف حاجة، ضغوط وسخافات ووش ووجع دماغ وقصص  
بتبعثلي مكررة ماتفرقش كثير عن القصص والتحقيقات إلی  
جتلي قبل كده .

لكن الجواب ده بالذات حسيت وأنا بقراه بإحساس عارفة  
كويس، سموه إحساس، سموه الحس الصحفي، سموه  
الشغف، هي حاجة كده بحس بيها لما بكون داخل على تجربة  
هاتسب علامة فارقة في مشواري الصحفي .

بدون تفكير دخلت على مكتب مديري المباشر واللي بالمناسبة

لسه متعين جديد بعد مديري السابق ما قرر يترك العمل في  
الجورنال وينتقل للعمل في مجلة أخبار الحوادث؛ لأن حسب  
كلامه أصحاب الجورنال هنا مش مقدرينه .. ما علينا ..

مديري الجديد أستاذ عماد لما استلم شغله قالي إنه متوصي عليا  
جامد وإنه لازم يريحني وينفذ لي كل إلی أطلبه، وكان كل شويه  
يقولي:

أنا سمعت كثير وقليل عن مغامراتك وتحقيقاتك الصحفية،  
همتك بقى يا بطل كتر لنا منها علشان تستفيد وكلنا نستفيد معاك.

دخلت لأستاذ عماد زي ما بقولكم ودار بينا الحديث الآتي:

- أستاذ عماد مساء الخير، عندي ليك خبر هيسطك.

- خير فرحني.

- إنت بقالك مدة بتطلب مني إيه ؟

- متقولش ! عندك تحقيق جديد ؟

- أيوه، وجاي آخذ إذن أجازته علشان هسافر بورسعيد.

عماد (بابتسامة يغلب عليها الغباء) :

- الله، يبقى هتجيبنا أكلة سمك معاك وإنت جاي ؟

نادر (بنظرة تعجب) :

- نعم ! أكلة سمك !

عماد (ضاحكًا) :

- يا جدد بهزر معاك، قولي بقى إيه الحكاية ؟

نادر (بنبرة صوت يغلب عليها الاستفزاز) :

- سيني يا أستاذ عماد من فضلك خليهم يطلعولي مبلغ من الحسابات علشان أشوف إلي ورايا وخليهم يزودوا ٥٠٠ جنيه علشان أجيلك أكلة السمك.

عماد (بنبرة صوت يحاول أن يبدو صارمًا):  
- أنا بتكلم جد دلوقتي، احكي لي إنت رايح تعمل إيه؟  
نادر (متهكمًا):

- ماهو أنا لو أعرف رايح أعمل إيه مكنتش روحت،  
من فضلك يا أستاذ عماد سيني أشوف مشواري ولما أرجع  
هحكليك كل حاجة واحنا بناكل أكلة السمك.

ظبطت أجازتي وأخذت بدل إقامتي وانتقالاتي وروحت على  
البيت، جهزت الشنطة وأجريت مكالمتي المعتادة لأمي ولأمتية،  
وإلي بقت من طقوسي قبل كل مغامرة.

في عجالة طلعت بواقي أكل إمبراح من التلاجة وحطيتها  
على التراييزة قصادي ومعها كوباية عصير برتقال، أكلت

وشربت العصير وكل تفكيري في اللحظة دي أسافر الليلا دي  
ولا الصبح؟

وبعد تفكير مش طويل كنت لايس هدومي وفتح الشنطة  
للتأكد من وجود الورق والأقلام وجهاز التسجيل وشرايط  
الكاسيت، زي ما إنتوا عارفين دول بالنسبالي أهم من الأكل  
والشرب، شيلت شنطتي على ضهري وفتحت الباب علشان  
أمشي لقيت شاب نحيف بيلتقط أنفاسه بصعوبة ويقول استنى  
إنت رايح فين مش حضرتك أستاذ نادر بردو؟  
- على حسب.

♦ - حسب إيه ياعم، أنا موظف ديلفري وجايبك الأمانة دي.

رفع الشاب قدامي صندوق زهري به فتحات كتير طالع منها  
صوت قد يعتبره البعض رمزاً للبراءة ولكن بالنسبالي هو أبعد ما  
يكون عنها، ببساطة الصندوق كان فيه قطة .

- بس أنا ما طلبتش قطة!

- يا باشا أنا مليش دعوة، الأوردرد ده مدفوع حسابه ومتوصي عليه جدًا إنه يوصلك دلوقتي بالذات وبصراحة أنا واخدا فيه إكرامية محترمة ولو ماخذتوش هضطر أرجع الإكرامية .

- مين إللي بيعته ؟

ابتسم الشاب ابتسامة خبيثة قائلاً:

- برغم إنى بسلم الأوردرد من الشركة لكن أنا شوفت الأستاذة إللي كانت جيباه، عادة إحنا بنروح نستلم الأوردرد من إللي عايز بيعته، إننا دي جت مخصوص وسلمته بنفسها في الشركة .

- هو أنا مش فاهم إنت متسم على إيه ؟!

- قطة وواحدة تحل من على حبل المشنقة وإنت فاهم بقى .

- مش واخذ بالك إنك بتستظرف أوي ؟

الشاب مرتبكا:

- والله مش قصدي أبداً، بس أنا بحب القطط وأحب أقولك

إن القطة دي مش أقل من ٤٠٠٠ جنيه .

- بمعنى ؟

- بمعنى إنك لو مش عاوزها إنزل بيها على أقرب محل ققط  
وبيعها وحلال عليك الفلوس.

- طب ممكن توصفلي البنت إلي جابت القطة.

- صاروخ أرض جو.

- طب يلا غور

- طب إمضيلي هنا إنك إستلمت عشان أمشي وخذ الكارت  
ده جاي مع القطة.

مضيت وأخذت البوكس إلي فيه القطة والكارت و قفلت

الباب ودخلت الشقة تاني، حطيت البوكس على الترابيزة وفتحته

لقيت قطة أسود من ظلام الليل شعرها كثيف، لون عينيها أصفر

لامع، واضح إنها صغيرة في السن كانت بتصدر مواء ضعيف

يغلب عليه الوهن، فضلت القطة تتمسح في أيدي براءة شدتني

ليها، شلتها وأخذتها المطيخ وجمعت من هنا ومن هناك لحد ما


عملتلها وجبة عشا محترمة .

فتحت الكارت إلي كان مكتوب فيه جملة واحدة

( إلى من كان وسيظل ) إلى نادر فودة .

شلت الشنطة على ضهري وحطيت القطة في البوكس بعد ما  
كلت، وبما إني مش عارف هوديتها فين فقررت إني هاخذها معايا،  
وصلت موقف العربيات، سألت على العربيات إالي بتروح  
بورسعيد، حجزت كرسيين كرسى ليا وكرسى لبوكس القطة،  
إالي من وقت ما العربية إتحركت وهي ما بطلتش صوت لدرجة  
إن الركاب كان فاضلهم دقيقة ويرموني أنا وهي بره العربية .

BOOKS







## الفصل الثاني

(كلام غير مترابط)

BOOKS

لما وصلنا ما محتجش وقت كثير علشان أقدر أوصل للعنوان،  
أقل من نص ساعة وكنت قدام العمارة، طلعت الدور السابع  
قابلني على السلم رحل في الخمسينات من عمره، حاجة قالتلي  
إن هو ده إلي بعثلي الجواب، لقيتني بسأله :

- حضرتك أستاذ حسن ؟

رد عليا :  
ONE PIECE

- أيوة، مين حضرتك ؟

قولته :

- أنا الصحفي إلي إنت بعثله الجواب.

الراجل من الصدمة فضل لمدة دقيقة أو أكثر ساكت لحد ما

قالي :

- أنا مكتش متخيل إن إنت هتيجي بالسرعة دي، إنفضل

تعالى نطلع الشقة.

سلام بسيطة كانت بتفصلنا عن الشقة، فتح الباب ودخل  
ودخلت وراه، وعمل آخر حاجة كنت أتوقعها سجد على

الأرض وانفجر في البكاء، وطيت بسرعة قومته ودار بينا الحوار التالي:

- اهدي أرجوك يا أستاذ حسن علشان أفهم وأقدر أساعدك.
- أنا بالنسبالي مجيتك متحل جزء كبير من المشكلة.
- ده كلام كبير أوي عليا، ربنا يقدرني وأقدر أفيدك بس أنا لازم أوضح لحضرتك نقطة مهمة جدًا لازم أوضحها لكل حد بروحله، أنا لا شيخ ولا دكتور نفسي ولا محقق ولا حلال عقد، أنا مجرد صحفي ليا علاقات بناس ممكن تفيدك لما يقرأوا التحقيق إلی هيتشتر.

- وأنا برودو لسه عند تفاؤلي ومستبشر فيك خير.
- طيب اقعد إحكي لي إيه الحكاية بالضبط.
- الحكاية بتبدي لما اشترت لأميرة بنتي في عيد ميلادها الـ ١٨ هدية قديمة من مزاد بيع أنتيكات من بتوع زمان، خصوصًا إن أميرة بنتي رقيقة جدًا وبتعشق أي حاجة قيّمة.

- كانت إيه الهدية ؟

- صندوق موسيقى خشبي قديم، لما فتحته أميرة ماكنش  
جواه كالعادة العروسة إلي بتلف مع أنغام الموسيقى، لأ إلي كان  
جواه مفتاح لامع وبراق جدًا وعليه نقوش غريبة جدًا، وكان هو  
إلي بيلف مع الموسيقى، واللافت للنظر كمان إن الموسيقى كانت  
مقبضة جدًا، وحصلت المصيبة ..

أميرة بنتي ماتت بعدها بشهر.  
نادر (متعجباً):

- ماتت؟! إزاي ده حصل؟

- لقينا سريرها غرقان دم كأنها مدبوحة رغم إن مفيش

أي أثر لأي جرح، إلي حصل إننا تكتمنا على إلي حصل تمامًا  
علشان بنتي ماتتهدلش وقررنا ندفنها بسرعة إكرامًا ليها .

المغسلة إلي غسلت بنتي كانت قريبتنا وهي في الأصل  
دكتورة، طلعتلي بره قالتلي :

- عم حسن أميرة جالها نزيف رهيب وبالرغم من إنها ميتة

إلا إن النزيف مستمر ومش عارفة أوقفه.

حسن:

- طب والعمل يا بنتي؟

المغسلة:

- أنا متصرف بس عاوزة خمس أكفان تانية.

نادر مقاطعاً:

- أستاذ حسن أنا حاسس إنك نطيت أحداث كثير في النص

أنا محتاج أعرفها.

حسن (متجاهلاً كلام نادر):

- إحنا بنكون قاعدين تقوم أميرة واقفة فجأة وتقول حد

سامع صندوق الموسيقى أنا سمعاه شغال مع إني سيباه مقفول

في الدرج، وفعلاً يا أستاذ نادر محدش وقتها يبقي سامع حاجة.

أكثر من مرة كنت بصحى على صراخها أنا وأخوها نطلع

نجري على الأوضة نقولنا:

- حد يسكت الزفت ده صوته بيموتني.

وبتشاور على صندوق الموسيقى المقفول، والغريبة إني ببص

على الصندوق وبلاقيه مقفول لا في صوت ولا أي حاجة، فضل

الموضوع يتطور لحد ما بدأت أميرة تتكلم عن شخص بتشوفه في أحلامها إنه بيحاول يتودد ليها ويقرب منها وإنما لما قاومته حاول يأذيها، لما نكون قاعدين مثلا بنتفرج على فيلم أو حاجة ألاقىها وقفت على الكرسي أو الكنبه وتبدأ تكلم شخص محدش فينا شايفه، بيبدأ الحوار هادي بعدها يتطور لصويت وزعيق من طرف واحد إلی هو طرف بتني .

بعدها تنزل وتدخل أوضتها وتقفل على نفسها بالساعات، وفي يوم صحيت على صرختها بس المرادي الموضوع كان زايد أوي، لما دخلت عليها مبطلتش صراخ بل بالعكس زاد، حاولت أهديها بكل الطرق علشان أفهم هي بتقول إيه !

تمكنت بصعوبة إني أفهم جملة واحدة.. بابا أنا مش سامعة حاجة .. في اللحظة دي أدركت إن أميرة فقدت السمع والسبب غير معلوم .

بدأنا رحلة اللف على الدكاترة لمعرفة السبب والعثور على علاج لكن بدون فائدة. ساعني لو كنت بجيب كلمة من الشرق وكلمة من الغرب، لكن اعذرني إلی شوفته مع بتني ماكنش


بسيط ولاهين، في الوقت ده لما كنت بقابل الدكتورة قريبتنا إيلي  
غسلت بتي ولو حتى بالصدفة كانت بتهرب مني كأنها شافت  
عفريت .

وبدون سابق إنذار رجعلها سمعها فجأة زي ماراح فجأة،  
لكن بين وقت ماراح لوقت ما رجع كانت بتي بتمر بمليون  
حالة نفسية في اليوم الواحد .

أنا كل إيلي همني إنها خفت وكل حاجة تانية مقدور عليها،  
بدأت عزلتها تزيد وتقف على نفسها الأوضة بالساعات مع إن  
ده ماكنش طبعها، كان أخوها يجي لي كل يوم بالليل ويقولي

يا بابا أميرة بتكلم حد في الأوضة والحقيقة هي كانت بتعمل كده  
لدرجة إني في مرة فتحت عليها الباب فجأه لقيتها واقفة مديّه  
وشها للحيطه وبتضحك بصوت عالي، ناديت عليها إتلفتت لي،  
حقيقي ياريتها ما بصت، كانت ملاحها هي نفس ملامح بتي  
في الحقيقة لكن مع شوية اختلافات بسيطة، أولها إن شفايفها  
كانت سودا جدا وبين أسنانها أسود متفحم، أما عنيتها فكانت  
كلها بيضا مفيهاش أي أثر للنني، ورفعت إيديها وشاورت عليا

لاحظت ان كف ايديها كان مغطى بحاجة أشبه بالصدف.. حط نفسك مكاني لما تشوف ضناك بالشكل ده اللي حصل إن أنا إتجمدت في مكاني وباب الأوضة إترزع من ورايا لقيت بسرعة أبص على الباب ورجعت بصيت لأميرة إلي لقيتها رجعت لشكلها الطبيعي وبتقولي بمنتهى البراءة:



- في حاجه بابا بابا؟

ماردتش عليها وفتحت باب الأوضة وخرجت .

وعلشان الأحداث كانت سريعة دخلنا في مرحلة ثانية مرحلة بدأت فيها أميرة تخط مكياج مبالغ فيه جداً بدون أي مبرر وهي قاعدة في البيت، مع إن في الحقيقة أميرة مش من محبي مستحضرات التجميل أصلاً وكأنت بتفكر أكثر من مرة إنها تتحجب، علقت أكثر من مرة لكن حسيت إن كلامي ممنوش فائدة فسكت .

مفيش أيام بسيطة ولقيت أميرة بتلبس لبس واسع غريب عمري ما شوفتها لابساه، ده أنا حتى معرفش جابته منين وامتى، وكالعادة لما علقت ماتردش عليا .



غيرت أميرة ستايل لبسها ثاني وبقت تلبس حرفيًا جلايب  
واسعة شكلها منتهى التخلف، ماقدرتش المرادي أفضل ساكت،  
انفجرت فيها معلنا رفضي لكل حاجة هي بتعملها وقولتلها لو  
صندوق الموسيقى لحس محك كدة أنا هكسره.  
أميرة جاهلها حالة أشبه بالفجعة، بقى عندها نهم غريب  
للأكل مصحوب بنظرات حزن ودموع لا تتوقف وهروب من  
مواجهتي أنا وأخوها متمثل في نوم بلا انقطاع، لحد ما دخلت  
عليها في يوم ولقيتها ماتت .

أنا لما بعثلك مش بس علسان تفهمني إيه الي حصل أو توجد  
لي تفسير فينا يخص أميرة، لأ الموضوع بدأ يحصني دلوقتي أنا  
وأخوها سامر .

- حصلكم إيه انتوا الاتنين ؟

- الحكاية بدأت بكابوس، شوفت أميرة بنتي وهي بتبكي  
ويتقول يا بابا الدور على سامر .

- هو إنت ليه ما تخلصتش من الصندوق بعد ما ماتت؟

- أولاً علشان أنا معديش دليل إن الصندوق ليه دخل باللي

حصلها، وثانياً علشان هو من ريحة الغالية.

- عاوز تقول إيه يا أستاذ حسن؟ هات إلي عندك.

- قولي إنت لما تحقق في الموضوع هل الصندوق ده ليه علاقة

بكل إلي حصل لبنتي وموتها كمان؟

علشان كده بعثلك يا أستاذ نادر، أنا كده يعتبر حكيتلك كل

إلي حصل، يمكن وقع مني حاجة أو إثنين لو افكرتهم هقولهم

عاطول.

هل عندك تفسير للي أنا بقوله؟

هل عندك إجابة على سؤالِي؟

بنتي ماتت ليه وإزاي؟

- ربنا يقدرني يا أستاذ حسن وأقدر أجابك على سؤالك،

أنا محتاج دلوقتي أقعد مع سامر.


- ده شيء ماقدرش أوعدك بيه

- ليه ؟!

- سامر من بعد موت أخته مابقاش بيكلم حد حتى أنا  
يادوب هما كلمتين تلاثة وخلاص، ده بالإضافة لأنه مش حاب  
وجودك وشايف إن إحنا كده بنقلب في المواضيع والموضوع كله  
على بعضه كده ممنوش فائدة.

- تمام، خلي قعدتي مع سامر قدام شوية يمكن يوافق بس  
دلوقتي أنا عاوز صندوق الموسيقى ده أشوفه لأن الإجابات  
كلها جوا الصندوق.

BOOKS






الفصل الثالث

(صندوق الموسيقى)

BOOKS

حسن :

- إيه رأيك تدخل تشوف أوضتها وكده كده حضرتك لو هتقعد معنا يومين أو حاجة مفيش غير أوضتها تبات فيها.



نادر :

- مفيش مشكلة أقدر أدخلها إمتي ؟



- خمس دقائق بالضبط وهكون وضبتها، بس أنا عندي سؤال هي القطة إيلي حضرتك جايها دي من ضمن شغلك في التحقيقات وكشف غموض الألغاز ؟

نادر (مدهشًا) :

- يا خبر أبيض ده أنا نسيت القطة دي نايمة بقالها شوية هخرجها لما أدخل الأوضة عشان ماتعملش دوشة هنا، هي بالمناسبة مش تبع شغلي ولا حاجة دي جيلي هدية من شخص عزيز قبل ما أجي لحضرتك بدقايق ومعرفتش أودياها فين فجبته معايا.

- ولا يهملك، هعملها أكل، دي كائن لا حول له ولا قوة.

- معلش طلب غلس، ممكن طبق كبير فيه رمل عشان إنت عارف بقى.

حسن (ضاحكًا) :

- فاهم فاهم، بعد إذنك هدخل أجهزلك الأوضة.

دخل أستاذ حسن وبدأت أتأمل بقى المكان، وشوفت أكثر من صورة لبت جميلة في مقبل العمر، أكيد هي دي أميرة، وصورة شاب صغير أكيد ده سامر وصورة لأم طبعًا مؤكد إن دي والدتهم.

قطع تركيزي معاهم صوت أستاذ حسن وهو بيقولي:

- دي مراتي الله يرحمها، كنت بشوف في أميرة كل طباعها وصفاتها بس ملحقتش للأسف وراحتلها، إتفضل معايا.

دخلت أوضة أميرة، صدقوني لو قولتلكم إن الأوضة فيها ريحة موت، كل حاجتها موجودة زي ما هي

الكتب، بعض مستحضرات التجميل وبعض عقود وسلاسل من حاجات البنات دي، تحس إن كان في حد كان بيستعمل كل ده وفجأة قرر يمشي، الموضوع مقبض جدًا يا جماعة، فكرة اختفاء الشخص بلا رجعة وحاجته لسه موجودة

(بحطة إيدته) تستوقف أي واحد وترعبه من غول ووحش كاسر  
إسمه الموت، مايبستأذنش قبل ما يبجي، نفس المشهد ده مریت  
بیه بعد ما دفنت أبویسا ورجعت البيت ودخلت أوضته ولقيت  
فنجان القهوة بتاعه مشروب نصه .

أنسب وصف للحالة دي تتمثل في جملة واحدة (هنا كان في  
حياة) ..

فُقت من دائرة التفكير دي لقيتني لوحدی في الأوضة معرفش  
أستاذ حسن خرج إمتی ولا حتى فاکر الحوار إلی دارینا، بس  
بحکم العادة أنا ببقی سرحان في مليون حاجة وبتکلم وبرد وأنا  
مش مرکز .

فتحت شنطتي وطلعت منها السورق وجهاز التسجيل  
والأقلام وبيجامة، غيرت هدومي وبدأت أدون وأسجل  
خطوط عريضة لكل إلی إتکالی، لكن للأسف معنديش أي  
حاجه تربط الأحداث ببعضها، ده حتى الصندوق ماعنديش  
دلیل إن هو ورا إلی حصل، في اللحظة دي أدركت إن القطة  
مش معایا في الأوضة، وقفت جنب باب الأوضة وخبطت فتح  
الباب من بره أستاذ حسن، لسه هقوله القطة فين لقيته ببيادري  
ويقولي:

- ماتقلقش على قطنك هي في المطبخ بتاكل وعملتتها صندوق الرمل وكل حاجة تمام، ممكن بقى تطلع تتعشا معايا.

- هو فين الصندوق يا أستاذ حسن؟

- صندوق إيه؟!

- أفندم! أمال أنا جاي ليه وإحنا بقالنا مساعين بنحكي في

إيه؟! **ONE PIECE**

- الحقيقة أنا مش فاكر إني جيت سيرة أي صندوق

- أمال حضر تك جايني ليه؟

حسن (بابتسامة كلها خبث):

- ومين قالك إن أنا جبتك، لو خايف على نفسك وعلى أمك

وأختك غير هدمك وامشي دلوقتي.

- جرى إيه يا عم إنت، هو إيه شغل المجانين ده؟!

- جن لما يلخبطك ماتكلمش عن حد إنت مش قده، وأعتقد

بحكم خبرتك المزعومة إنك عارف كويس إن الجن لو حطك في

دماغه هيعمل فيك إيه .



- أنا مش فاهم حاجة .

- الموضوع بسيط خد بعضك وإمشي، مش عندكوا بتقولوا في القرآن ( لا تسألوا عن أشياء إن تبد لكم تسؤكم ) طبق الآية دي بقى زي الشاطر .

- عندكم؟! أنا بقولك الصندوق فين و انت فاهم كويس أنا قصدي إيه .



بحركة مباحته هجيم عليا حسن، وملحقتش يكون ليا أي رد فعل مش بسبب المفاجأة لأ كمان بسبب تغير ملامح وشه لشكل بشع شوفت زيه كثير قبل كده .

لون بشرته أصبح أسود وبدأت عروقه تنفر من رقبتة وشرايين زرقا تظهر في كل أرجاء وشه لدرجة إن وشه بقى أشبه بشجرة من الشعيرات الدموية الزرقاء، وبصوت أجش قالي :

- (ارجع من حيث جئت) .

- وفضل يكررها كثير جدًا، ماكنش في قدامي فرصة إن أنا أرد لأنه هجيم بإيديه الاتنين على رقبتني وبسرعة جنونية كنت فريسة بتحتضر تحت برائن أحد الوحوش الضارية .

- قطتك بتاكل في المطبخ وإتعملها صندوق الرمل زي ما طلبت، مش معقول بقى القطة تاكل وإحنا بقى ننام جمانين ..  
أستاذ نادر ..



أستاذ نادر ..  
أستاذ نادر ..  
الكلام ده كان بيلتردد في وداني ومثل شتايف قدامي غير ضباب بينقشع تدريجياً لحد ما الصورة إتضححت ولقيت أستاذ حسن واقف قدامي وأنا واقف قدام السرير ولايس البيجامة والورق وجهاز التسجيل والأقلام مرميين على الأرض وألم شديد بيحتاج كل جسمي وخصوصاً رقبتي مكان ضغطة إيديه سواء كان هو أو غيره .

BOOKS

- تمام يا أستاذ حسن.

- هو مال رقبتيك ؟

- ما لها إزاي ؟

- في لون أزرق عليها أهو إنت مش واخذ بالك ولا حاسس بألم ؟

- أه أه هاخذ مسكن وهتخف.

- تسمجلي أجيلك مرهم بيريجني في الكدمات.

- أستاذ حسن فين الصندوق ؟

- مالك قافش كده ليه !

- علشان أنا طلبته منك واتهرت قبل كده -

- ثلاثه بالله العظيم ماحصل، أمال أنا باعت جايبك ليه ؟

- قول لنفسك الكلام ده .

- لا تقولي ولا أقولك، الصندوق في الدولاب إلي قدامك

ده، اطلع نتعشا وبعدها إرجع الأوضة واعمل ما بدالك فيه.

- لأ أنا مش جعان، أنا بستأذنك بس تسييني شوية ولو


عوزت حضرتك هناديلك.

خرج أستاذ حسن وقفلت وراه الباب بالمفتاح ورحت ناحية الدولاب وفتحته لقيت الصندوق فعلاً في وشي، من شكله الخارجى باين فعلاً عليه إنه حاجة أثرية، شيلته وحطته على المكتب وسحبت الكرسي وقعدت وفتحته، وبدأ ينساب منه

موسيقى غريبة أقدر ببساطة أقول عنها موسيقى مش مريحة، أما عن الصندوق من جوه فهو مبطن بقماش أسود أثر الزمن باين عليه، وفعلاً كان في مفتاح بيلف ببطء شديد، أنا متأكد مليون % إن المفتاح ده وراه حاجة كبيرة، شكله والنقوش إالي عليه والطاقة الي خارجه منه كلها بتقول حاجة واحدة بس (السر في المفتاح).

قفلت الصندوق وودونت مجموعة ملاحظات جديدة وقررت أنام عشان أبدأ الصبح بدري أجمع الخيوط كلها لعلي أصل لخيط البداية.

BOOKS





# الفصل السابع

(كوابيس متلاحقة)

BOOKS

كالعادة نومي عمره ما كان زي نوم أي حد، نوم بدايته قلق  
ونهايته كوايس، حلمت إن أنا واقف قدام جنينة كبيرة وليها  
بوابة حديد ومن خلف البوابة شايف أميرة بتقرب ناحيتي،  
كان في شيء بيشدني ليها جدًا، ولما وصلت وبقى وشها في وشي  
ويفصل بينا بس البوابة قالتلي:

- أرجوك في النهاية دمر الصندوق إنت مش عارف وراه إيه.

وطول ما هي بتكلم كان بيتسلل لوداني صوت موسيقى  
الصندوق، في الأول كانت المزيكا بمثابة خلفية لكلامها لكن  
المزيكا فضلت تعلق تدريجيًا لحد ما غطت على صوت أميرة  
وبقيت مش فاهم منها ولا كلمة وأصبح الصوت مؤذي جدًا  
لوداني، فجأة كل حاجة سكنت المزيكا وأميرة وساد صمت  
مخيف وإترسم على وش أميرة تعبيرات ألم صعبة جدًا ومن ورا  
كتفها لمحت شعر كأن فيه شخص مستخبي وراها.

بدأ الشيء ده يظهر أكثر، فإذا بي أجد شخص أسود البشرة  
أشيب الشعر، ولكنه بدأ يتحول في سرعة إلى كيان ضخم يكسوه

شعر كثيف، في راسه قرنين وعنيه مشقوقة طولياً، إنتابت أميرة رجفة شديدة وفضلت تقول إهرب من هنا، صاحبها صوت حشرة مخيف خارج من الكائن ده.

حاولت فعلاً أرجع لورا خطوتين، لكنه كان أسرع مني مد يده ومسكنني من رقبتي وشدني بمتهى العنق ناحية البوابة الحديد، الألي حسيت بيه في كل حنة في جسمي مايقولش إن ده كابوس أبداً لأ الموضوع كان حقيقي جداً، قوة الخبطة وخصوصاً بعد إرتظام وشي بالبوابة أضعفوني جداً وحسيت بوهن شديد وفقدان تام لقدرتي على الوقوف فتهاويت ووقعت في الأرض وعاد الصمت من جديد، أما أميرة فلقيتها ماسكة بطنها وتبكي في صمت والكائن ده إختفى تماماً من المشهد.

صحيت بتتنفس بصعوبة جداً بحاول أستجمع تفاصيل الحلم علسان أعرف أفسره، الحقيقة إني ملحقش لأن حصل إالي خطف تركيزي، صوت مزيقة الصندوق إشتغل لوحده من جوا الدولاب، في العادي ده شيء المفروض مايقلفنيش، لكن في الظروف إالي أنا فيها وبعد الحلم ده كان لازم أقلق، ماهويا

جماعة مش منطقي الصندوق يشتغل لوحده بر دو، قمت من على  
السرير إتجهت ناحية الدولاب، مسكت المقابض بيديا الإنتين،  
غمضت وفتحت الدولاب ببطء شديد فتحة يادوب أشوف  
منها إللي جوا، مجرد ما فتحت صوت الصندوق مسكت، وبطء  
أكثر فتحت عينيا ....  
إضاءة الأباحورة إللي في الأوضة تخليني أشوف كويس أي  
حاجة في الدولاب بس إللي كان غير متوقع إن الصندوق كان  
ملوش أثر جوا ضلمة الدولاب، فتحت الدولاب على الآخر  
وفعًا ملقيتش أي أثر لصندوق الموسيقى!

يادوب بقفل الدولاب رجع الصوت ثاني بس المرادي من  
ورايا، إتلفت بسرعة لقيت الصندوق على السرير مفتوح وشغال

طبًا أنا متأكد إن هيحصل حاجات كتير تحاول تمنعني إني  
أكمل المهمة بتاعتي، بس لو الحاجات بقت على قد كده يمكن  
دي هتكون أسهل مغامرة خوضتها في مشواري في عالم الرعب .



قفلت الصندوق وبصيت حواليا في الأوضة وقولت :إلي  
عنده رسالة يوصلها لي بطريقة مباشرة عن كده، غير كده أنا  
مكمل وشغل العيال الصغيرة ده مايبجيش نتيجة معايا .

قفلت الصندوق ورجعته الدولاب ودونت تفاصيل الحلم  
وإلي حصل بعده وآخر جملة كتبتها:  
(مازالت الحلقة الرئيسييه من اللغز مفقودة) وكملت نوم .

في اليوم التالي أستاذ حسن جه صحاني من النوم علشان  
نفطر وبردو مفيش أثر لسامر، فرجعت سألت أستاذ حسن عنه،  
ردوده كانت غير مقنعة، شوية يقولي بييجي متأخر، وشوية يقولي  
بيقعد باليومين تلاثة بره البيت، قولت في عقلي أهوده كمان وراه  
حاجة ومسيري هعرفها .

إستأذنت من أستاذ حسن وخرجت أتمشى شوية وسألت  
أكثر من حد عن قصة العيلة دي للأسف معظم الناس إتعاملت  
معايا إني جاسوس أو حرامي فمعرفتش أطلع منهم بعقاد نافع،  
إلا واحدة ست كبيرة قالتلي :

- إنت إزاي مسألتش إليي غسلت أميرة؟

- مين دي؟

- الدكتورة نعيمة.

- طب ماتحكي إنتي وفهميني.

- أحكيك إيه دي من يوم ما غسلت المرحومة ومبقيناش  
بنشوفها، وفي مرة شوفتها فضلت تعيط وتقولي ماتفكر نيش  
باليوم الأسود ده، أقولك على التقيله الدكتورة نعيمة بطلت  
تغسل أي أموات.

- طيب هي عنوانها فين؟

- إنزل بورفؤاد وألف مين هيدلك.

- متشكر كتر خيرك.

مر اليوم بردو بدون أي ظهور لسامر، وعلى الساعة ١٠  
بالليل كنت في الأوضة بكتب تكهناتي عن الموضوع ده لحد  
ماغلبنى النوم ودخلت في دوامة الأحلام الجديدة، شوفت أميرة

عند نفس البوابة ولايسة فستان أسود وشايلة الصندوق في إيدها  
اليمين وفي إيدها الشمال إرازة دوا بتشرب منها.

- ممكن تفهميني أو تساعديني.

- إفتح الصندوق

- ما هو معاكي

- إفتح الصندوق

- طب إديهولي

- إفتح الصندوق وبصص على المفتاح كويس وركز معاها

وإفضل قول: وكشفنا عنك غطاءك فبصرك اليوم حديد.

- وبعدين؟

- وكشفنا عنك غطاءك فبصرك اليوم حديد.

- وبعدين أعمل إيه؟

مجاليش رد منها لأن الشيء المرعب ده ظهر من جديد ولقيت

أميرة بتطير في الهوا لورا وبترجع بمتتهى السرعة والعنف ناحية

البوابة، وحصل أبشع منظر شوفته في حياتي، سيخ من أسياخ

البوابة قسم رأس أميرة نصين ونافورة دم إنفجرت في وشي  
لدرجة إنني ما بقتش عارف أنتفس من كتر الدم اللي غرقني وشبه  
سسد مناخيري وبوقي، فضلت أمسح بالقميص بتاعي الدم من  
على وشي وفين على ما قدرت أنتفس بهدوء وإنتظام، في الوقت  
ده صحيت من النوم كانت الصورة مش واضحة كأن في غيوم  
على عينا، لا إرادياً مسحت عينا بإيدي وكانت الصدمة لما  
شوفت إيديا عرقانة دم، وببصر على البيجامه لقيتها هي كمان  
مليانة دم، نظيت من على السرير ودخلت الحمام أجري فتحت  
الحنفية ونزلت راسي تحتها، رجعت أوضتي وغيرت هدومي  
ودونت تفاصيل الكابوس الثاني وبصيت في ساعة موبايلي كانت  
١ بعد منتصف الليل، باين مفيهاش نوم الليلة.

BOOKS



الفصل الخامس

(فبصرك اليوم حديد)

BOOKS

فتحت الدولاب وطلعت الصندوق وخطيته قدامي على المكتب  
وشغلته، وبدأ المفتاح يلف وأنا أردد

وكشفنا عنك غطاءك فبصرك اليوم حديد، مر وقت معرفش قد  
إيه لكن حسيت بحاجة أشبهه بالتنويم المغناطيسي ثموفت المفتاح  
بيتضحهم، لما كنت أبطل أقول الآية كان يرجع هيئته الطبيعية ولما  
أرجع أكررها يحصل الظاهرة الغريبة دي ثاني، لو قولتلكوا إني  
كررت الآية لمدة تزيد عن نص ساعه مش هكون ببالح .

وحصل أغرب حاجة، المفتاح إرتفع عن الجزء المثبت فيه وكأنه  
فقد كل قوانين الجاذبية وفضل يرتفع لحد ما بقى قدام وشي وهو

مستمر في دورانه وأنا مستمر في تكرار الآية الكريمة وإذا بالمفتاح

يتوقف عن الدوران ويغير وضعه من الوضع الرأسي للوضع

الأفقي ويقترّب أكثر من دماغي وبسرعة خاطفة اخترق المفتاح ما

بين حواجبي، أفسرها أكثر؟

المفتاح دخل بين حواجبي وكان فيه مكان بينهم ناهيك عن الألم

الرهيب إلي حسيت بيه إللي لو حاولت أوصفه هو بالضبط كأن

سيخ منصهر بيخترق جبتهتي .

لغة المفتاح جوه دماغي حسستني بالضبط كأن مخي بيتضرب  
جوه خلاط، فقدت النظر والسمع للحظات بس حسيت بخط  
سائل ساخن ينزل من جبهتي على كل وشي، أدركت في اللحظة  
دي إني لسه بقول وكشفنا عنك غطاءك فبصرك اليوم حديد.

مع الضلمة والصمت الرهيب سندات على المكب ودفنت  
راسي بين درعاتي ونمت .

نمت إذربا يكون كل ده كان كابوس ومحصلش منه أي حاجة .

نمت إذربا أصحى أفهم إيه إيلي حصلي .

نمت إذربا تكون دي رسالة من أميرة بعد ما دلتنني في الحلم إني

أعمل ده، رسالة تفك شفرة لغز من أغرب الألغاز إيلي مریت بيها .

نفس المكان، نفس البوابة الحديد وأميرة واقفة زي ماهي وأنا

واقف في وشها ييفصلني عنها البوابة

بس المرادي كانت مبتسمة وقالتلي خلاص كده هتقدر تفهم كل

حاجة .



المفصل السادس

(حيرة)

BOOKS



نايم على السرير، باصص للسقف بشوف كل حاجة بتتعرض  
قدامي افتراضياً وبحاول جاهداً أوصل لحيط أحل بيه لغز رداء  
الحيرة إيلي لابسه من أول مادخلت بورسعيد .

قطع أحداث الفيلم ده حيط على باب الأوضة، طبعاً كالعادة  
أستاذ حسن هيقولي يا لا علشان نفطر، قومت من على السرير  
متوجه للباب وفتحته!

- حاضر يا أستاذ حسن عارف إن الفطار جاهز هغسل.....  
ماكملتش كلامي لأن إيلي على الباب ماكانش أستاذ حسن،

عرفتوا مين؟

◆ فعلاً زي ما توقعتموا .. سامر.

- سامر صح؟

- بيقولوا.

نادر (مبتسماً):

- هو إيه إيلي بيقولوا، إنت سامر ولا لا؟

سامر (متجاهلاً سؤالاً):

- يقولوا إنك بتسأل عليا ممكن أعرف ليه؟

نادر (مبتسماً):

- من غير قفش بس أنا جاي في الأول والآخري بناءً على طلبكوا.

- إسمها بناءً على طلب بابا ماتجمعش!

- بقولك إيه ماتيجي نتكلم على المكشوف ودوغري.

- يعني إيه؟ هو أصلاً مقيش لغة حوار تجمع بينا.

- لآ في .

خلينسي أحكيلك على حاجة بناءً على شغلانتي، النوعية بتاعتك دي إللي بتكون رافضة من الأصل الكلام أو التعامل معايا بيكونوا حاجة من إثنين يا إما عاملين مصيبة كبيرة وخافين يتفضحوا لما يتكلموا يا إما عارفين نفس المصيبة حتى لو ملهمش دخل فيها وبيتستروا على حد لإخفائها، وأنا بصراحة بروجح الثانية .

- وده ليه إن شاء الله ؟

- مش قولتلك إن أنا شغال بقالي سنين مع إيلي زيك.

- طب نصيحة مني بقي وخذ الناهية إحتفظ بتكهناتك  
لنفسك و ماتعملش فيها محقق عليا و ماتسألش عني تاني لأننا  
مش هانقعد مع بعض لأ دلوقتي ولا بعدين.

نادر (ضاحكًا) ONE PIECE

- لأ وحياتك عندي إحنا هانقعد مع بعض كثير .. كثير أوي  
كمان.

انتهى نقاشنا الحاد بدخول أستاذ حسن معلنًا موعد الإفطار.

◆ انسحب سامر بدون ما يعلق.

- واضح إن المقابلة كانت مش ظريفة بالمره.

- ماتأخذش في بالك، الغربية إنه داخل متحفز جدًا وعايز

يتخاتق.

- سيبك منه وأي حاجة عاوز تعرفها أنا تحت أمرك .

تناولت الفطار مع أستاذ حسن، وكل الحوار إلي دارينا عن طبيعة شغلي وحياتي وماترقناش لأميرة خالص كإننا بنهرب إحنا الإثنين إننا نتكلم عنها، كسرت حاجز التجاهل بسؤال مباشر لأستاذ حسن:

- ليه علاقتك بسامر متوترة؟

حسن إتليخبط وقال بتلعثم:

- هو إلي قالك حاجة كده؟

- حاجه زي كده..

- وماقالكش كمان إنه شبيه مقاطعني من بعد موت أخته

وبيكلمني بالقطارة؟ ده بيعاملني زي ما أكون أنا السبب في موتها.

- إزاي؟

- علشان أنا إلي جبت الصندوق طبعًا، يعني هو أنا كنت

أعرف إن كل ده هيحصل!

- على العموم أنا عرفت حاجة ولسه بحاول أتأكد منها.

- عرفت مين إالى عمل كده في بنتي ؟

- سيب كل حاجة لوقتها يا أستاذ حسن، وأوعدك قريب أوي كلنا هنعرف إجابات الأسئلة إالى محيرانا، أستاذن حضرتك دلوقتي علشان عاوز أروح بورفؤاد أستغل فرطمة إن أنا هنا وأشتريلي كذا طقم، ده غير إن في واحد طقس موصيني على سمك لو ماخذتهوش له هيفضحني.

- تحب آجي معاك ؟

- كتر ألف خيرك.

- طب أجل موضوع السمك ده، أنا أعرف حد قريب من

هنا ومش شرط تروح بورفؤاد مخصوص.


- تمام هجيب اللبس بس وخلاص.

- ولا حتى هاتحتاج نجيب اللبس من هناك.


- ياسيدي سييني عاوز أركب حتى المعدية.

حسن (ضاحكًا) :

- مش قصدي والله أنا عاوز أساعدك، روح إنت وهاترجع  
تاكل أحلى صينية صيادية ما حدش يعرف يعملها عندكوا، دي  
بنفس عمك الشيف حسن .



BOOKS






الفصل السابع

(خلف المرأة)

BOOKS



فلت بأعجوبة من زن أستاذ حسن، وبعد أقل من نص ساعة  
كنت في المعديّة بتأمل كل شبر في بور سعيد وفرحان وسط أهلها  
إليّ حيثهم جدًا .

وقفت أتفرج على طيور النورس وأتأمل صنع الله لحد ما  
أدركت إني وصلت

على فكرة أنا وصلت ومش معايا أي معلومات غير إني رايح  
أدور على واحدة مغسلة وطبيبة في نفس الوقت إسمها دكتورة  
نعيمّة، يعني زي إليّ بيدور على إبره حرفيًا في كوم قش، ولكن  
عشان أنا ظني طلع في محله سؤال في التسانی في التالت كنت

وصلت ...

آه والله وصلت ...

وقفت قدام عمارة بسيطة ودلوني أهل الخير إن دي العمارة إليّ  
ساكنة فيها دكتورة نعيمّة، بس أعمل حسابك إنك لو عاوزها



تغسل حد عندك هترفض تمامًا لأنها بطلت فجأه من وقت موت قريبتها الشابة الصغيرة...

طلعت الدور الثالث وخبطت الباب وفتحتي سيدة في أوائل الأربعينات وقابلتني بنظرة بشوشة وقالتلي

- مين حضرتك؟

- أنا إسمي نادر فودة، صحفي في موقع الحوادث وقضية

أميرة إنفتححت من جديد وللأسف إسم حضرتك إتذكر وأنا لازم أنشر كل حاجة عن الموضوع.

- تشر إيه يا حضرت ؟ وهيفيد إياه بعد ما أميرة ماتت؟

- أستاذة أو دكتورة نعيمة، أنا بخاطب فيكي ضميرك ... إيه

إللي حصل؟

- حصل إيه ماتت ! إنت عاوز حاجه أكثر من كده؟!

- أيوه عاوز ...

- عاوز إيه؟

- إيلي تعرفيه، أنا متأكد إنك عندك معلومات وشوفتي

حاجات ما حكيتهاش لحد، وده إيلي خلاكي بعدتي ...

- أفضّل الموضوع ده ... أرجوك .

- ممكن أسألك سؤال، إنتي إزاي ضميرك طاوعك تشوفي

كل إيلي حصل وتسكتي؟! هتقولي لربنا إيه؟

- أرجوك إرحمني أنا في عذاب من يومها ...

- دكتوراه نعيمه إنتي شوفتي القاتل صح؟

- لأ... بس شوفت الأسوأ!

- وإيه ممكن يكون أسوأ؟

◆ - الفضيحة .... أميرة كانت حامل!

- أفندم! حامل؟!!

- ومش بس كده ... أنا الحالة إيلي كانت قدامي .. حالة

نزيف حاد بعد ولادة متعسرة .

- أنا مش فاهم أميرة كانت حامل ولا ولدت ..

- كانت حامل وأنا لما روحت أغسلها كانت لسه يادوب

والدة!

- وفين الجنين؟

- معرفش.

- ومين أبوه؟

- معرفش معرفش

- هو إيه إيلي معرفش معرفش؟

- أيوه معرفش.

- طب وأستاذ حسن عرف المصيه دي؟!؟

- ما يخصكش.

- إنتي كده متسترة على جريمة.

- خلاص بلغ فيا ويارب ييجوا يقبضوا عليا خليني أرتاح.

- دكتور نعيمه أنا لا صحفي في حوادث ولا زفت، أنا بني

أدم عادي وأستاذ حسن بعثلي عنده أمل أقوله إيه إيلي حصل

لبنته .. وإنتي عارفة كل حاجة ومخبية للأسف!

- أديك عرفت إرتحت؟! -

- لأ مرتحتش .. ومش هرتاح غير لما تحكي لي على كل اللي حصل من أول ما دخلتي لحد ما اعتزلتني في بيتك الدنيا كلها!  
- حاضر.

- أنا عاوز الحقيقة... كل الحقيقة يا دكتورة نعيمة ..  
وأي حاجة تجاوزتها أرجوكي إحكيها... يمكن نقدر نجيب المجرم بمعلومة ممكن تكون بالنسبالك مش مهمة لكنها هتقودنا لحل اللغز كله .

- حاضر يا بني .. ولو إني مش عارفة انت مين وشغلتك إيه

أنا هحكملك كل حاجة ...

من أول مكالمة الحاج حسن ليا وهو بيعيط ومنهار ويقول :

آلو بنتي ماتت يا نعيمة !

الحقيني محدش هيدخل عليها غيرك يا دكتورة !

طلعت أجري في الشارع كل إلي على لساني أميرة ماتت

إزاي؟

أكيد في حاجة غلط .

كل إلي كنت بفكر فيه وقتها إن أنا دكتورة ورايحة أحقها مش  
مغسلة رايحة تغسلها وتكفنها.

استر يارب، جيب العواقب سليمة .

وصلت بيت عم حسن وقفت قدام باب الشقة رجليا مش

قادرة تشيلني وقبل ما أرن الجرس عم حسن فتحلي الباب،

ووقفت أنا وهو متخشين قدام بعض ونظرات ودموع عينا

كانت كفيلة إنها تقول كل حاجة .

شدني جوا ومشيت وراه وأنا بدعي إني ماوصلش أبدا للحظة

إلي أنا مرعوبة منها، لحظة ماهشوف أميرة إلي بعترها بنتي جثة

زي أي واحدة من إلي بغسلهم .

وقف عم حسن قدام باب أوضة أميرة ولقيته بيعمل أغرب حاجة ما كنتش أتوقع إنه يعملها، عم حسن خبط على باب الأوضة.

وقال: أميرة.. أنا معايا دكتور نعيمة جاية يا حبيبتى تشوفك.  
وفتح باب الأوضة يادوب فتحة بسيطة ومكملهاش.  
عم حسن:

- إتفضلي أدخلي يا دكتور أنا مش هقدر أدخل تاني.

- خلاص يا عم حسن أنا مقدره إلسي إنت فيه، هكلم إلسي

بمساعدونى يحصلونى دلوقتى.

عم حسن (صارخًا):

- لأ.. أبوس إيدك لأ، لو لبتى أميرة غلاوة عندك محدش

يدخل عليها غيرك.

- ليه كده يا عم حسن؟

زق عم حسن الباب بهدوء وشوفت المشهد إلی عمره ما  
بیروح من خیالی، هاتصدقنی لو قولتلك إنی شوفت دبیحة،  
طلعت خطوة لقدام ووقفت عند باب الأوضة ألطم .

- یا نهار اسود إنت عملت فیها إیه؟

انت قتلت أمیره باعم حسن!؟

عم حسن (منهارًا):

- حرام علیکی ماتقولیش كده دي بیتی.

- أمال إیه إلی حصل؟

- إنتی إلی تقولیلی مش إنتی الدكتوره؟

عم حسن خرج یجری من الأوضة وسابنی أواجه أكبر كارثة  
شوفتها فی حیاتی، بالرغم إن جثة أمیره كانت متغیبة كلها  
بكوفرتة، إلا إن الدم كان واضح جداً ومغرق الكوفرتة والسریر  
كله، مش هكون ببالغ لما أقولك إن الأرض إلی حوالین السریر  
كان علیها دم .

قربت من السرير بهدوء وحذر شديد ومدت إيدي ورفعت الكوفرتة بمنتهى البطء من على وش أميرة، هاتصدقني لو قولتلك إن من هول المنظر أنا وقعت على ضهري في الأرض .

- أبوه ممكن أتخيل إللي إنتي شوفتيه.

- لأ مستحيل، مستحيل أي بني آدم يتخيل أو يتحمل إللي أنا شوفته.

- طب قوليلي شوفتي إيه ؟

- شوفت كل عذاب الدنيا والأخرة على وش بني آدم، أميرة

كانت فاتحة عنيتها على الآخر وكلها بيضا وفاتحة بوقها لدرجة إن شفايفها من اليمين والشمال متقطعة ووشها مليون كدمات سودا كل كدمة منهم لما دقت فيها عبارة عن وجه شيطاني صارخ، شعر أميرة كان أبيض وكان بقي عندها سبعين سنة .

قومت ووقفت وأنا في حالة ذهول وصدمة من الكابوس ده .



طلعت تليفوني وإتصلت بواحدة من البنات إلي بيساعدوني  
في الغسل طلبت منها أدوات غسل الميت وأكدت عليها إني  
هغسل لو حدي .

إبهرت على كرسي موجود ورايا وفضلت أبص لأميرة وأقوها  
إيه يابتي إلي عمل فيكي كده .

الدم كان لسه بينقط على الأرض وأنا لحد اللحظة دي  
ماكتتش عارفة مصدره إيه، ويفحص بسيط أدركت إن أميرة  
بتتروف (مش أي تزيف .. تزيف ولادة)، قست النبض بسرعة

مفيش، بالإضافة لجسمها المتلج والمخشب وإلي مافيهوش أي  
علامة أو أثر للحياة وبها إني دكتورة إتأكدت شكوكي :

أميرة ماتت وهي بتولد أو بالكثير أوي ماتت بعد ما ولدت  
بدقايق .


نادر (مقاطعا) :

- وحضرتك عرفتي مينين إنها ولدت ؟

- بقولك أنا دكتورة.

نادر (مدعيًا الغباء) :

- بردو مش فاهم إيه الدليل إن أميرة كانت حامل وولدت؟



- يا بني افهم أميرة جالها نزيف حاد في الرحم.

- وإذا قولتلك إنى مش مصدقك؟

- حضرتك تقصد إن أنا بكذب؟!!

نادر: لأ أقصد إن في دليل تاني أكبر من كل إلبى قولتبه بيا أكد

إن أميرة فعلاً كانت بتولد، دليل إنى رافضة تقوليه ليا.

- أصل .. أصل ..

نادر: أريحك؟ حضرتك يا دكتورة شوقتي حاجة العقل

البشري بيرفض إستيعابها تمامًا، بس إلبى أحبك تعرفيه إن

إلبى قدامك ده إتدفن حي وشاف صورة من عذاب القبر ومر

بأحداث كان الجن والعفاريت هم أبطالها، يعني من الآخر كده

لو قوليلبي إنك شوفتي مليون عفريت في الأوضة أنا الوحيد إلي  
هصدقك، قوليلي بقى شوفتي إيه دكتورة نعيمة؟

د/ نعيمة (منفعلة) :

- أبوة شوفت وماحكيش الكلام ده عمري غير لعم حسن  
إلي اتهمني بالجنون، وقالى : لو فضحتي بنتي هافضحك في العيلة  
كلها وهقول كلام عنك متحبيش تسمعيه لو حتى بالكذب .

- كمل يادكتورة إيه الي حصل .

مدت إيدي وطبطبت عليها وأنا موجوده للنهاية المأسوية  
إلي أصابتها بعدها قومت فتحت دولاب أميرة وطلعت منه  
إيشارب ولقيته على راسها بالطول بعد ما ضغطت الفكين على  
بعض بصعوبة شديدة وفضلت أدلك في عنيا لحد ما غمضت،  
ودول كانوا أهم حاجة أعملها لحد ما هبة المساعدة بتاعتي ما  
تجيبلي أدوات الغسل .

فتحت شنطتي وطلعت مصحفي وقربت الكرسي من السرير  
وبدأت أقرأ ما تيسر من القرآن، وفي عز ما أنا بقرأ سمعت صوت

أنين ضعيف جدًا، لوهلة ظنيت إنه صادر من أميرة، لكنني أدركت إنه جاي من الحيفة إالي ورا التسرريحة والمراية الكبيرة إالي في أوضتها، رجعت بصيت على أميرة كانت زي ما هي .

قومت من على الكرسي ومشيت في إتجاه الصوت وإتأكدت فعلاً إن الصوت جاي من ورا التسرريحة حاولت أنص وأشوف في إيه لكن المسافة إالي ورا التسرريحة كانت ضيقة جدًا، شديت التسرريحة لبرا بحيث يكون في مساحة أشوف من خلالها في إيه .

دخلت ورا التسرريحة والصوت لسه مستمر، حطيت ودني على الحيفة وإتأكدت إن الصوت طالع من جوا الحيفة فعلاً،

وبحركة لا إرادية خبطت بإيدي على الحيفة فسكت الصوت تمامًا، خبطت تاني ولا زال الصمت مستمر، وقبل ما أتحرك وأخرج من ورا التسرريحة حاجة خبطت من جوا الحيفة، قومت

مخبطة أنا كمان مرة، رجع الصوت بس المرادي ماكانش أنين كان كلام غير مفهوم بيتقال في نصه اسم أميرة، حطيت ودني على

الحيفة علشان أحاول أفهم سمعت :

(إنه ما أتيت لأجله سريعاً وإلا أخذناكِ بداخل الحائط) كأنه صوت مرعب أجش جاي من أعماق الحجيم .

خرجت من ورا التسريحة بسرعة ووقفت قدامها ورزقتها بكل ما فيها من عزم لحد ما لزقتها في الحيطه يمكن أكثر من الأول كان .

برفع وشي في المرآة شلوفت أميرة واقفة ورايا وشها ملفوف بالإيشارب زي ما أنا لفاه بالضبط وعينها مفتوحة على الأرو وكلها لونها أبيض وبينزل منها دموع سودا ورافعة إيدها وبتشاور على الحيطه إلی ورا المرآة !

أنا كنت وقتها في حالة لا يمكن وصفها، شلل، خرس، فقدان تام للعقل

حتى مش عارفة أجري وأخرج من الأوضة، ومن ورا أميرة ظهر أبشع شيء في الدنيا، كائن أسود متفحم جسمه عريض شعره أبيض عينه بيضا تماماً زي عيون أميرة، وبمجرد ما شافته أطلقت صرخة مدوية كسرت مرآة التسريحة للمليون حته، في الوقت ده كنت حطيت إيدي على وشي علشان أحميه من الإزاز

وحسيت بمليون طعنة في إيديا، بعد الانفجار ده رفعت إيديا من  
على وشي لقيتها مفيهاش حتى خدش واحد والمراية سليمة تمامًا  
وكان شيئًا لم يحدث .

أول حاجة عملتها جريت على السرير لقيت أميرة ميتة زي ما  
سبتها بالضبط عصب عني لقيتني بقولها :  
- إنتي وراكي حكاية ومصيبة كبيرة ما حدش عمره هيفهمها،  
أنا ظلمت أبوكي وكنت فاكرة إن هو إالي موتك بس طلعت  
غلطانة .

وبدون سابق إنذار أميرة فتحت عنيا وإتكلمت :

- يا ويلك لو إتكلمتي، هتحصليها .

بعدها غمضت تاني ورجعت لحالة الثبات من جديد وأنا كل

إلي عليا

( أعوذ بكلمات الله التامات من شر ما خلق )

( أعوذ بكلمات الله التامات من شر ما خلق ).



الفصل الخامس

(بداخل المرأة)

BOOKS

خِط الباب فتحتة بحذر علشان ما حدش يشوف المنظر إلی  
جوا لقيت هبة ومعاها الشنطة إلی فیها إحتیاجات الغسل،  
وبنظرة منی فهمت إنی بقولها ممنوع الدخول، أصل فی شغلانتي  
دي یاما یا أستاذ يشوف حاجات تشیب لو فکرت أحکيها  
هحتاج أيام طويلة علشان یادوب تکفي

قفلت الباب ودخلت لقيت أميرة قاعده على السرير ولقة  
وشها ناحيتي ومغمضة برودو عينیها والإیشارب لسه رابط  
فکها، قربت منها شديت الكرسي وقعدت وبدأت أقول :

- (ربي أعوذ بك من همزات الشياطين وأعوذ بك ربي أن

يخضرون).

وكررتها فوق العشر مرات بدأت أميرة تستجيب وماتت من

جدید، إنت متخيل إلی أنا بقوله!

أنا بتكلم عن واحدة بتصحى وبتموت فی الدقيقة كذا مرة

ولولا إن أنا دكتورة كنت قولت إن دي مش ميتة، عاوزني بعد

كل ده أحکي للناس علشان يقولوا دي إتجننت!



- وبعدين يادكتورة؟
- فتحت الشنطة وطلعت أدوات الغسل وبدأت أغسلها زي ما بغسل أي واحدة لكن هي للأسف ماكانتش زي أي واحدة.
- بمعنى؟
- بمعنى إن كل خطوة عملتها كانت مصحوبة بأحداث مرعبة ماتفرقش كتير عن اللي حكيتها لك.
- من فضلك يادكتورة نعيمة أنا ما بحبش الإختصار في السرد قوليلي إالي حصل بالتفصيل.
- أسفة جداً دي حاجات ما أقدرش أحكيها لأن يبقى حرام علينا إني أفشي أسرار شوقتها في الغسل، لكن صدقني أنا بحكيك إالي إنت محتاج تعرفه.
- أمال إيه حكاية الخمس أكفان؟
- إنت جبت الكلام ده منين؟
- من أستاذ حسن وبالأمارة قالي إن ده طلبك.
- يبقى أكيد قالك إن ده بسبب النزيف إالي ماكنش عايز يقف.
- يعني ماكانش في أسباب تانية؟

- صدقني إن ده إلي حصل أنا كنت مش ملاحقة على الدم  
وكل ما أفكر إن خلاص هيقف يرجع ينزف تاني فماكنش قدامي  
حل غير إني أكفنها بخمس أكفان فوق بعض، بعدها شيلت  
ملاية السرير وكل حاجة عليها آثار دم وحطيتهم في الشنطة إلي  
كان فيها أدوات الغسل.

- دكتورة نعيمة مين إلي قتل أميرة؟

- معرفش.

- أميرة إزاي كانت حامل؟

- معرفش.

- وفين إلي خلفته؟

- معرفش.

- للمرة الأخيرة يا دكتورة نعيمة مين إلي ورا قتل أميرة؟

- أنا قولتلك أميرة ما إتقتلتش، أميرة ممكن تكون نزفت

لغاية ما ماتت.

- ممكن ولا أكيد؟

- مش هتفرق كثير.

- لأ هتفرق كثير أوي وهفضل أقولها لك إنتي مخيبة حاجة.

- أنا كنت مخيبة الحاجات المرعبة إلي شوفتها ولما وعدتني

إنك هتصدقني حكيتها لك.

- ومين قالك إن أنا مكذبك !؟

أنا كلامي كله واضح إنتي مخيبة حاجة ثانية لما حكيتهاش.

د/ نعيمة (بتوتر) :

- حاجة زي إيه يعني ؟

- إسألني نفسك، على العموم دي مش آخر قعدة لينا مع بعض

يا دكتورة نعيمة والأيام إلي جاية هكتشف حاجات كتيرة أوي.

مشيت من عند الدكتورة نعيمة ورجعت بيت أميرة، قابلني

أستاذ حسن وسألني عن سبب تأخيري فاتحججت إني ملقتش

حاجة كويسة وفضلت أدور طول المدة دي .

وإستأذنته إني هنام شوية ... ودخلت الأوضة وبدأت أفتش

في كل حنة على أمل إني ألاقي أي خيط ...

جبت الصندوق وفتحته، طبعا المفتاح مش موجود لسه

وصوت المزيكا المستفز شغال والمرآة الداخلية عاكسة صورتي،

قفلت الصندوق وكتبت ملاحظاتي عن لقائي مع الدكتورة  
نعيمة وإلي طبعًا سجلته كله بدون علمها ...

خلصت وإترميت على السرير من التعب وأنا مش عارف  
هفضل كده قاعد عند الناس لحد إمتي، أي تعلم أنا معايا  
معلومات كثيرة أقدر أعمل بيها تحقيق كويس جدًا ولو عاوز  
أقله بطريقتي هقفله ولو عاوز أسويه مبهم عادي هعمل كده ...  
بس أستاذ حسن عطية ده ذنبه إيه وهو جايني علشان أساعده  
في كشف غموض وأسباب المصيبة إلي أصابت بنته ...  
لازم أكثف تحرياتك أكثر لحد ما أكشف كل حاجة ...

في وسط تفكيري وأنا نايم على السرير نمت ... نمت  
بعمق وشوفت أميرة من جديد واقفة في مكان مضلم ومتكفنة  
وبتحاول تخرج إيديها برا الكفن لحد ما عرفت بالفعل تخرجها  
ولقيتها ماسكة موبايل وبتشاورلي إني أخده، جريت ناحيتها  
لكن ظهر نفس الراجل الاسود المتفحم أشيب الشعر عينه حمرا  
زي جهرتين من نار.

وخذ التلفون من أميرة وضربها وقعها في الأرض وفضل  
يجرهما بعنف وأنا بجري وراءه عشان ألحقهم .

وإختفوا عن نظري لكني فضلت أجري لحد ما لقيتني فجأة  
قدام قبر ولاقيت الكائن ده بيقتل باب القبر وخذ المفتاح وابتسم  
لي ابتسامة مخيفة ومشية .

ومن جوا باب القبر سمعت صوت خبط، أنا عارفة كويس  
صوت مميز لكنه مستفز جدًا ...

صوت صندوق الموسيقى إلي بدأ يتسلل لوداني لحد ما  
صحيت من النوم والصوت مكمل وماوقفش .

ولقيت الصندوق على المكتب إلي في الأوضة مفتوح وشغال  
مع إني متأكد مليون المية إني قفلته قبل ما أنام ...

إتحركت من على السرير وروحت للمكتب وشديت الكرسي  
وقعدت وفضلت أتامل الصندوق، المرة دي لفت إنتباهي المראה  
الداخلية للصندوق؛ لأنني مش شايف إنعكاس صورتي فيها زي

كل مرة، المراية فاضية تمامًا وكان أنا مش قاعد قدام الصندوق أصلا !

فضلت أحرك راسي يمين وشمال باحثًا عن إنعكاس صورتي في المراية لكن إلي حصل كان غير كده خالص  
المراية تحولت لشيء أشبه بشاشة عرض صغيرة بتعرض مجموعة من المشاهد المتتالية وكانت كالأبي :

■ المشهد الأول :

سرير غرقان دم وواحدة ست نائمة عليه وجسمها بيتنفض بيخرج منها دم أشبه بالنافورة ومن تحت هدومها إتكون بروز وبدأ يتحرك تحت الهدوم كأنه بيحارب علشان يقطع الهدوم ويخرج، طبعًا السيدة دي هي أميرة البروز المتحرك ده الجنين، ونظرات الملح إلي على عنيتها مش محتاجه تفسير .

■ المشهد الثاني :

كائن في حجم الإنسان سواده قاتم وكأنه مصنوع من الفحم عينيه بيضا تمامًا مافيهاش نني، شعره أشيب مافيهوش شعرة سودا خالص واقف قدام العمارة إلي ساكن فيها أستاذ حسن

ويبيض على الشقة بنظرة مليئة بالغضب والشر ( بالمناسبة هو نفس الكائن إلي شوفته في الحلم ) تبدل المشهد ولقيته فجأة في الأوضة قدامي رافع إيديه ويبتسم إبتسامة خبيثة ويشاور في إتجاه التسريحة إلي في الأوضة .

■ المشهد الثالث :

المطبخ، البوكس إلي فيه القطة بيتهن بعنف والقطة أصابها حالة من الهياج الشديد ويتحاول تخرج من البوكس بأي طريقة وسمعت إسمي بيتنادى (خرج القطة من البوكس بتاعها يانادر).

(خرج القطة من البوكس بتاعها يانادر).

■ المشهد الرابع :

رمل، ضلمة، جثة متكفنة في الأرض ولص مقابر شايفه من ضهره وحجمه مش غريب عليا بينبش في القبر .

■ المشهد الخامس :

طُرقة مستشفى، واقف مع ممرضة ملاحظها مش واضحة بلبسها المميز وبتقولي : ماعتقدش إن قدامها كثير، وإبتسمتلي

إبتسامة مصطنعة وشاورتلي بإيدها على باب مكتوب عليه I . C . U . ( العناية المركزة) وتلاشت الصورة .

#### ■ المشهد السادس :

مكتب وكرسيين، أنا قاعد على واحد وأستاذ حسن عطية قاعد على الثاني، وقدامنا على المكتب لوحدة مكتوب عليها ( مأمور قسم بورسعيد)، وداير بينا نقاش مش سامع منه أي حاجة غير جملة واحدة أنا بقولها لأستاذ حسن : ( ماجاويتنيش على سؤالي إلی عمال أسأهلوك من أول ما قعدنا مع بعض ) .. وتلاشت الصورة زي كل مشهد .

توقف عرض المشاهد تماماً وظهر انعكاسي ومن ورايا باب الأوضة بيتفتح بهدوء شديد وظهر ذراع نحيف يبزق الباب ويفتحة للآخر، وظهرت صاحبة الذراع، المفروض إنها أميرة لكن المنظر البشع إلی أنا شوفته لا يمت لأميرة بأي صلة، وشها ملئ بكدمات سودا، مكان عنينا فاضي وعبارة عن فجوتين مظلمتين وراسها مربوطة رأسياً بإشارب. نفس الوصف إلی حكتة دكتورة نعيمة، إتلفت ورايا مفيش أي حاجة، رجعت



بصيت في مراية صندوق الموسيقى تاني لقيتها لسه واقفة وبعدها  
إتحركت ببطء شديد وإنسيابية كأنها مش دايسة برجليها على  
الأرض .

فضلت تقرب تقرب لحد ما بقت ورايا تمامًا ورفعت أيديها  
الإثنين وحطت كموف أيديها على كتافي حسيت وقتها بنار  
بتحرقني، ووطت بدماعها لما بقت راسها بالصبط لازقة في راسي،  
سندت بدقنها على كتفي وبصت لإنعكسي في المراية وهمست في  
ودني وقالت :

(هنا يا نادر بص على يمينك، الحكايسة كلها جوا الحيطة لو

عاوز تعرف الحقيقة).

مشاعر متضاربة ما بين خوف وفضول وشغف أصابتنني بعد

كلامها .


شالت دقنها من على كتفي وقامت وقفت ومدت أيديها



الإثنين ومسكت راسي وحاولت تلفها ناحية اليمين بهدوء

وقالتلي : بص يمينك .

بصراحة أنا مالفيتش راسي وقولت لها مش لازم أعمل ده  
علشان إنتي عاوزة، بحركة مباغته لفت دماغي بمشهي العنف  
ناحية اليمين لدرجة إنني سمعت صوت فقرات العنق الله أعلم  
بتقطع ولا بتتكسر ولا إيه، كل إلهي أنا فاكره إن الحركة المفاجئة  
دي خلعت الدنيا تضلم قدام عنيا ويادوب شوفت مرآة التسريحة  
بتتحرك وبيخرج من وراها الكائن أشيب وهو شايل في إيد  
كفن وبعدها غبت عن الوعي تمامًا.

BOOKS





ألفان ملطخة

BOOKS

الساعة سبعة وصوت أذان المغرب بيتسلل لوداني صحاني من النوم لقيت نفسي نائم على المكتب قدام صندوق الموسيقى وكان مقفول، قومت ووقفت بصعوبة شلت ورقي وجهاز التسجيل وشرايط الكاسيت في سنطتي وحطيت الشنطة في الدولاب .

وقفت أسرح شعري قدام مراية التسيحة فجأة المراية تنهز كأنها بتنبض، فضلت أتأمل فيها شوية كان شكلها زي ما بترمي طوبة في مية راكدة، كان بيحصل فيها موجات خلتنى أمد إيدي ناحيتها وأمسها وأحس بالنبضات بتخترقني وبتهز كياني، وبدون تفكير شديت التسيحة وزقيتها بعيد ووقفت قدام الحيطه إلي ورا المراية أبصر عليها بتركيز، همسات متداخلة خارجة من الحيطه مزيج من أصوات رجالة وستات وأطفال، وقربت ودني من الحيطه جهدوء وبطء حذر لحد ما ودني بقت على الحيطه وسمعت ( من اقرب اخترق ومن اخترق احترق ) .

صرخة مدوية صدرت من نفس المكان خلتنى أرجع بجسمي

كله لورا .

فتحت باب الأوضة وطلعت أنادي على أستاذ حسن كان من  
الواضح إنه مش موجود، خبطت على باب أوضة سامر فتح لي  
وواضح إنه كان بيعيط .

عم حسن فين ؟

معرفش .

في حاجة غريبة بتحصل في البيت

غريبة إزاي يعني ؟ الشيء الوحيد الغريب في البيت هو

إنت .

مش وقت سخافتك يا سامر، ممكن أعرف إنت كنت

بتعيط ليه؟

- لا أبداً عقبال عندك أختي ماتت .

- واضح إن الحوار معاك ممنوش فائدة .

- بالظبط كده .

وقفل الباب في وشي، وقفت ورا الباب وقولتله :

- إوعى تفتكر إن طريقتك دي هتخليني أمشي أو هتبعد

عنك شبهة إنك عارف حاجات ومخبيها، ونصيحة من شخص

إنت مش طايقه هات إيلي عندك كله علشان أريحك مني خالص

دخلت المطبخ أدور في الأدراج والدواليب مش لاقى إيلي  
أنا عاوزه فتحت باب الشقة ونزلت تحت، وأقرب محل قابلني  
دخلته وقولت للي واقف فيه:

- أنا نادر من طرف عم حسن عطية هو بيقول لخصرتك إنه  
عاوز أي حاجة يكسر بيها جزء من الحيطه علشان عنده رشح  
من الحمام.

طلعتي شاكوش كبير وقالي المطرقة دي هتفعلكوا بس لما  
تخلص رجعتها.

خذت المطرقة ورجعت البيت، وعلى باب الشقة لقيت سامر  
خارج خبيت المطرقة بسرعة ورا ضهري، الحقيقة إنه مابصش  
علياً أصلاً علشان يشوف أنا معايا إيه، هو خرج وأنا دخلت.

دخلت الأوضة بسرعة وقفلت عليا الباب ومفیش فرصة  
أحسن من كدة في ظل غيابهم كلهم إني أعمل إيلي بفكر فيه، لما  
روحت ناحية الحيطه لقيت التسريحة رجعت مكانها، مفرقش

معايا كده كده أنا هعمل إلي أنا نويته، شديت التسريحة من جديد وشمرت كمامي وضربت الحيطه أول خبطة ومع الخبطة دي إنطلق صراخ طفل كآني والعياذ بالله خبطته هو وإترسم على الخيطه خطوط سودا على هيئة وجه طفل بصرى ياكي بتفكرني بلوحة الطفل الباكي إلي كانت موجودة في معظم بيوتنا .

الرسمه دي تخليتي أتردد قبل ما أخبط الخبطة الثانية، لكن نظرة البراءة والحزن إلي على وشه تحولت لإبتسامة ساخرة وكأنه بيستهزأ بيا، وبعزم مافيا خبطت الخيطه الثانية وتحول وجه الطفل إلى وجه عابس غاضب وأصبح لون بشرته أسود

متفحم وشعره بيتغير تدريجياً للون الأبيض، ومع الخبطة الثالثة صرخت الصورة بصوت أجش غليظ مخيف وظهرت شقوق متسارعة على وشه كله، وإذا بجزء من الخيطه ينهار كاشفاً عن آخر حاجة كنت أتوقعها، كفن أبيض ملطخ ببقع سودا وبقع دم متجلط، مديت إيديا وشلته وفردته لقيته مقسوم نصين، غصب

عني قولت مين إلي ممكن يعمل حاجة زي دي ؟

في نفس اللحظة تسلل لوداني صوت همس يكرر كلمة  
واحدة: نعيمة .. نعيمة .. نعيمة .. نعيمة .. نعيمة .. نعيمة .. نعيمة ..  
نعيمة ..

فعلاً صح لأن هي إلي غسلت وهي إلي طلبت الأكفان  
الزيادة، بس ليه دفنت الكفن جوا الحيطه ؟  
وليه قسمت الكفن نصين ؟  
معقول تكون دفنت الطفل في الحيطه ؟  
ولا الكائن المرعب هو إلي عمل ده ؟  
نورت كشاف موبايلي وسلطته جوا الفتحة لعل وعسى  
أشوف حاجة تانية .. ملقيتش حاجة ...

باب الأوضة خبط وسمعت صوت الأستاذ حسن يقول :

- يلا علشان نتعشا سوا أنا جايب معايا أكل من بره .

- حاضر .. حاضر بغير هدومي وطالع .

حطيت الكفن جوا شنطتي وزقيت التسريحة بسرعة رجعتها  
مكانها، وخرجت من الأوضة قعدت مع عم حسن وأول ما  
بدأنا ناكل قالي :



- قطتك من أول ما رجعت بتعمل حاجات غريبة.

- غريبة إزاي؟

- أنا عارف؟ عاملة زي ما تكون إجننتك

قومت من على السفرة بسرعة، دخلت المطبخ وفعلاً على غير

العادة القطة كانت متعصبة جداً، نفس المشهد إلی شوفته في

المرآة بيتكرر بالحرف، وبدون تفكير فتحتلها بوكس خرجت

تجري كأنها عارفة هي رايحة فين ووقفت قدام باب الأوضة اللي

أنا بنام فيها (أوضة أميرة) بتنونو بصوت عالي ومستفز جداً،

فتحتلها الباب دخلت جري وإستخيت تحت السرير.

رجعت تاني لعم حسن وقولتله:

- هو إنت ليه أصلاً حبستها في الصندوق؟

- لما بخرج بحطها في الصندوق ودي مش أول مرة أعملها

علشان ماتبهدلش الدنيا بس يابني، اقعد كمل أكلك بقا.

كملنا العشا وكلام بييجيب كلام وحوار يجيب حوار كل

واحد بيتكلم عن قرايبه لحد ما عم حسن حاب سيرة دكتور  
نعيمة وقال :

- دي قاطعتنا من غير سبب مع إن المفروض إنها أكثر واحدة  
تكون واقفة جنبنا الفترة دي، دي آخر واحدة شافت الغالية، الله  
يسهلها بقا. ONE PIECE

- على العموم هي ست مش مريجة وكلامها معظمة مبهم .

إتعدل عم حسن في قعدته وبص ناحيتي وفضل مبرقلي  
وما بيتكلمش لدرجة إني قلققت منه .

- وإنت عرفت منين بقى إنها غامضة ومبهمة ومش مريجة

يا أستاذ نادر !؟

أنا إتصدمت من سؤاله ومن غبائي، فبرقت له أنا كمان

وقولتله بمنتهى التلقائية والإستعباط :

- عادي، من كلامك عنها ياعم حسن .

- لأنا ماقولتش عنها الكلام ده خالص، من فضلك يانادر  
لو عارف حاجة ماتخبيهاش، قدر الموقف إلي أنا فيه، أنا واحد  
حرفياً بموت كل يوم من بعد موت بنتي أميرة.

- بصرحة يا عم حسن أنا روحت للدكتورة نعيمة

- وليه خييت عليا؟

- وليه إنت خييت عليا كل الحاجات إلي نعيمة تعرفها؟

- أقسملك بالله إني قولتلك كل الكلام إلي هي قالتهولي.

- أنا أسف يا عم حسن ده مش حقيقي.

- تقصد إيه؟

- أقصد إنك مثلاً ماقولتليش عن المصيبة الكبيرة إن أميرة  
بنتك كانت حامل وماقولتليش عن الجن والأشباح إلي نعيمة  
شافتهم في الأوضة وماقولتليش كمان إنها وصلت لمرحلة  
مابقتش عارفة أميرة عايشة ولا ميتة وإنها لما قالتلك كل ده  
إتهمتها بالجنون وهددتها إنها لو حكمت لحد هتفضحها في العيلة  
كلها.

حسن (غاضباً) :

- واحدة بتقولي إن بتتك كانت بتولد وهي لسه بنت بنوت  
عايزني أرد عليها أقولها إيه؟! أقولها برفو إنتي صح بنتي كانت  
ماشية على حل شعرها، مع العلم إن مفيش دليل أصلاً إن إلي  
بتقوله ده حصل.  
دي يا أساتذا واحدة محبولة بتقولك عفاريت بتطلع من  
الحيطة وعاوز تصدقها؟!!

- لأ في دليل واضح أوي ياعم حسن، تعالى معايا الأوضة  
علشان تشوفه .

◆ دخلنا الأوضة وزقيت التسريحة وريته الفتحة إلي في الحيطة  
وفتحت الشنطة وطلعت منها الكفن إلي متقطع وقولته :

- عندك تفسير لده؟!!

عم حسن (مندهشاً) :

- يانهار أبوها أسود، تقصد إن نعيمة ليها يد في إلي حصل؟


- ماعنديش ما يثبت، لكن أوعدك بكرة هتسمع كلام جديد خالص.

- إשמعنى بكرة؟

- علشان أنا وإنت هنروحلها بسر، وجودنا مع بعض ومواجهتنا ليها أكيد هيغير مجرى الأحداث.

عم حمن انا براكيا ومسابني وخرج من الأوضة، معرفش إلی عملته ده صح ولا غلط بس وجوده معايا أكيد هيكون وسيلة ضغط على دكتورة نعيمة علشان تقول إلی مخياها لما نروحلها بكرة.

BOOKS





# الفصل العاشر

(أصوات الغضب)

BOOKS

متاهة كل أما أحس إن أنا بوصل لنهايتها أكتشف إنها دايرة

ما بتتهيش .

ياترى مين إلي ورا كل ده ؟

هل كل إلي حصل صدفة ؟

ولا الموضوع ده مقرب من الأول ؟

هل الدكتور نعيمة مجرد شاهد على إلي حصل ؟

ولا ليها دور ما ؟

إيه سر غضب سامر الدائم مني ؟

وأميرة هل فعلاً ضحية ولا مغتربة ؟

ولا بدأت كضحية وإنتهت كمنذبة ؟

في وسط كل تساؤلاتي دي صوت السريحة وهي بتتحرك  
لوحدها خطف إنتباهي وتركيزي، إتلفت ناحيتها وفضلت  
مستني إيه هيخرج من وراها، مبدئياً الحيلة إلي وراها كانت  
سليمة تماماً ومفيش أي أثر للتكسير ولولا المطرقة لسة موجودة

في الأرض أنا كنت قوتل إني كنت بحلم وقتها، نزلت من على السرير ووقفت قدام الحيطه أتأملها وأتأمل الخطوط السوداء المتعرجة إلي بتترسم بسرعة رهيبه وبتكون جسم إنسان أو أشبه إلى حد كبير بالإنسان، فضلت الخطوط مكتملة والرسمه بتتضح أكثر وأكثر لحد ما اتكون بورتريه دقيق جداً للرجل أشيب وهو مغمض عينه وزى مايقولوا الصورة هتتطق من كتر دقتها.

هي مانطقش الحقيقه لكنك فتح عينيه بصورة مباغته وفضل يحركهم يمين وشمال في أرجاء الاوضه لحد ما إستقرت عينيه عليا، لحظة جمود وصمت رهيب مرت عليا كأنها سئين، ما بتحصلش حاجة فيهم غير إنه مركز معايا وأنا مركز معاه،

إبتسم إبتسامه شيطانية وفي أقل من لحظة جسمه تجسد خرج من الحيطه بنفس المواصفات إلي شوفتها قبل كده وإلي الدكتوراه نعيمه حكتهالي، وتوجه ناحيتي بهدوء مرعب لحد ما بقى وشه في وشي، رفع إيديه الاتنين ومسك درعاتي وفتح بوقه وكانت أسنانه بتتخبط في بعضها بتسارع رهيب مسببه صوت تخيف جداً، فضل يضغط على درعاتي أكثر لحد ما وصلت لمرحله إني حاسس إن عظمي بيدخل في بعضه، فتح في اللحظه دي بوقه وتوقف



صوت أسنانه وفضل يفتح بوقه أكثر، لمحت شيء مرعب جداً وهو وجود عين في زوره مدفونة جوا يتبص عليا من الضلمة إلي جوا بوقه، إتأكدت إن ده مش وهم لما فتح بوقه أكثر وأطلق صرخة مدوية والعين دي إتسعت أكثر .

آلام مبرحة حسيت بيها في رجليا وبنظرة سريعة شوفت في الأرض كائنات صغيرة في حجم القروذ بعين واحدة مدبية الأسنان حرفياً بياكلوا في رجليا مكانش عددهم واحد أو إثنين مش هكون ببالغ لو قولت إنهم فوق العشرين كائن، فضلت أهز وأحبط رجليا في الأرض علشان أخلص نفسي منهم لكن

تكتيفة أشيب ليا كانت شلت حركتي، وأطلق صرخة تانية تحولت بسببها العين المرعبة دي لفتحة أشبه بضم أفعى بداخل فم أشيب .. عطس، آه والله زي مايقولكم عطس فعلاً ومع عطسته

خرج من بُق الأفعى إلي ساكنة جواه سليل من الحشرات إلي غطت وشي بالكامل وبدأت تنهش فيا من أول وشي وصولاً

لرقتي وصدري وباقي جسمي .

أصبحت في حالة لا أحسد عليها ... حشرات مفترسة  
وكائنات شبيهة بالقرود يتسابقوا مين هيخلص على الفريسة  
قبل الثاني .

وفي وسط كل ذه إنطلقت صرخة مدوية من جوا الحيفة  
ولمحتها بصعوبة كانت أميرة بتحاول تخرج من الحيفة وفي  
عشرات الأيادي بتشدّها تدخلها جوا الحيفة ثاني، فضلت أميرة  
تقاوم وتحارب للخروج لحد ما مجموعة من الأيادي في النهاية  
مسكوا وشها وفضلوا يضغطوا على عنها لحد ما عنيتها الإنتين  
إنفجروا وإتشدت جوا الحيفة واتقفلت عليها .

بدأت أفقد الإحساس بالألم من كتر النهش في لحمي، وبدأ  
يتخلل صوت عواء ذئب رهيب مصحوب بأصوات تانية غير  
مفهومة ولكنها حادة جداً ومؤلة جداً جداً، من الواضح إنها  
مكانتش مؤلة ليا بس لأن إلي حصل كان أشبه بالمعجزة إن لم  
يكن معجزة بالفعل .

كل الكائنات إلي كانت بتهاجمني بدأت تتساقط على الأرض  
جثث وأشلاء لحد مبقاش غيري أنا والأشيب إلي كان لسه

ماسك درعائي، وإلي بمجرد صوت العواء ما إتكّرر مرة كمان  
ساب درعائي وبص ورايا بغضب شديد لمصدر صوت العواء،  
صرخ هو كمان صرخة مليئة بالغضب، مجرد ماسابني وقعت على  
الأرض وأنا ما عنديش أي قدرة إني أقف علشان أهرب، تجاهل  
الأشيب وجودي وفضل يصدر أصوات الغضب موجهاً نظره  
لشيء واضح جداً إنه عامله ألف حساب .

إنطلق العواء مرة تالته ولأول مرة منذ بداية الجحيم ده أحس  
إن الأشيب خايف وبدأ يرجع لورا بخطوات حذرة، كنت عاوز  
أتلقت وأشوف الغول إالي الأشيب عامله حساب لكن من كتر  
الأم مش قادر أقوم بأي حركة، ما حتجتش إني أتلقت لأن الغول  
طلع فوق جسمي ونزل علشان يكمل تخويفه للأشيب، وشوفت  
الوحش .. شوفت الوحش إالي بصرخة منه حول كل الكائنات  
إالي كنت بتهاجمني إلى أشلاء، وخلى الأشيب كائن جبان .

خليني أوصفلكم الوحش بالضبط :

أسود اللون

كثيف الشعر

عيونه مضيئة

صفراء اللون

خوافره حادة مثل نصل السكين

أنياه تنم عن شراسة موروثه

أما عن حجمه فالحقيقة لا يتعدى حجم قط صغير!

وده لأنه هو بالفعل قطعة، قطعة أنا عارفها كويس وإنتموا

كمان عارفينها القطعة إالي جاتلي هدية من شخص مجهول، إنتوا

متخيلين؟

أيوه القطعة هي إالي أنقذتني، أنا طول عمري مؤمن بقدرات

القطط ومقتنع بيها منذ عهد الفراغنة والنهاردة بصمت بالعشرة

على الحقيقة دي.


الحيطة إفتحت ودخل جواها الأشيب وإتقفلت عليه،

والقطعة جت تجري تتمسح فيا، شلتها من على الأرض وحضنتها

ونزلتها تاني وتحاملت على نفسي ودخلت الحمام أطهر الجروح

وإلي كانت بالمناسبة مش كتير زي ما أنا متخيل ورجعت

أوضتي وخذت القطعة في حضني كنوع من الحماية والشكر  
والإمتنان ليها ونمت، نمت نوم عميق يمكن مانمتوش من أول  
مادخلت البيت ده، وحلمت بأميرة بتقولي :



إصحى يا نادر إفتح الباب .

إصحى يا نادر حالاً .

خلاص إلي باقي مش كثير .

أرجوك إصحى إنت قريت جداً.

تسلل للحلم صوت جرس متكرر وكأنه بيرن مخصوص ليا  
علشان أصحى، وده فعلاً إلي حصل وصحيت من النوم على  
صوت جرس البيت وهو بيرن، قومت بسرعة خرجت من  
الأوضة لقيت البيت كله فاضي، روحت لباب الشقة بسرعة  
فتحتة لقيت شاب في منتصف العشرينات بيقولي :

- أستاذ نادر موجود ؟

- حضرتك عاوزه في إيه ؟

- آسف ماقدرش أقول لحد غيره.

- طب مين إيلي باعتك له ؟

- آسف بردو مقدرش أقول غير لأستاذ نادر.

- طب ياسيدي إيلي قدامك ده نادر.

- وأنا إيه ضمني !

- هتقول إنت جاي عايزني في إيه ولا أقفل الباب وتغور ؟

- طب إحلف كده إنك نادر.

- والله العظيم أنا نادر وحتى إسمي بالكامل نادر فودة.

- صح .. صح هو ده الإسم إيلي إتقالي.

- من مين ؟

- أبله إخلاص مشرفة التمريض في المستشفى.

- مش فاهم إنت عاوز إيه بردو ؟

- مش أنا إيلي عاوز، الريسة بعتنسي وقاتلي ما أجيش من

غيرك ونروح لها رجلي على رجلك.

- أنا مش فاهم، هو إنتوا عاوزني في المستشفى ؟

- بالظبط كده.

- طب إستنى أغير هدومي وأنزل معاك.

شديت باب الشقة ومشيت معاه وروحنا المستشفى، أخذني  
من إيدي لحد ماوصلني لباب مكتب مشرفة التمريض .  
خرجت من المكتب واحدة ست شكلها مشن غريب عليا  
مش فاكر شوقتها فين قبل كده .

- أنا ريسة التمريض هنا أهلاً بحضرتك.

- تحت أمرك، الأستاذ إلي بعته يقول إنكم عاوزني.

- لأ في الحقيقة، أنا بس إلي عاوزاك.

- إتفضلي سامعك.

- المريضة إلي جوا من وقت ما فافت وهي بترجاني أبعت

أجيبك.

- مريضة مين، أنا مش من هنا أصلاً ؟ وعندها إيه ؟ وهي

فين ؟

شاورتلي على أوضة مكتوب عليها I.C.U (العناية المركزة)

وقالت جملة شقلمت دماغى وهى مبتسمة إبتسامة مصطنعة :

معتقدش إن قدامها كتير  
أيوه أنا إفتكرتك، أنا شوفتك فى المراسلة بتاعة صندوق  
الموسيقى.  
صندوق إيه يا أفندم !؟  
ماتأخديش فى بالك، مين المريضة وإيه حكايتها ؟  
إسمها الدكتورة نعيمة بيتها إتحرق وهى جواه وحرفياً  
هى دلوقتى بين الحياة والموت، أتمنى تلحقها وتسمع إالى عايزه  
تقولها لك قبل ماتت .

كانت صدمة كبيرة ليا الحقيقة لأنى كنت ناوى الصبح  
أروحها وأنا وعم حسن وكان عندي أمل أعرف منها معلومات  
تانية .

دخلت ورا الممرضة غرفة العناية المركزة، ماكتتش محتاج  
أدور كتير عليها لأنى شوفت منظر مؤلم جداً، حرفياً مكانش فيها  
حتى مش محروقة، قربت منها وقولتها :



- سلامتك يا دكتورة نعيمة، إيه إيلي حصل ؟

د/ نعيمة ( وهي بتتألم ) :

- مفيش وقت أنا خلاص بموت

- إن شاء الله تخفي وتقومي بالسلامة.

- إسمعني وبلاش تقاطعي، فإكر لما قولتلي إني مخيبة حاجة؟

دلوقتي جه الوقت الحكيلك عليها علشان أقابل ربنا وأنا

مريحة ضميري.

- قولي يا دكتورة نعيمة.

- أنا لما خبيت مكانش علشان خايفة على نفسي، أنا قولت

بلاش يبقى موت وخراب ديار كمان!

- وضحي أرجوكي.

- الحقيقة كلها هتلاقيها في قبر أميرة

- إزاي؟

- إنبش قبر أميرة.

- وبعدين ؟
- إنبش قبر أميرة
- وهو مكانه فين ؟
- إسأل عن جبانة بورسعيد القديمة، وروح لترب عيلة عطية ودور على عبدالرحيم التري، قوله إنك جاي من طرفي بأماره ما أنا كنت هناك من ثلاث أيام وإنه قالي إقري لها يابنتي عذية ياسين وإديته ١٠٠ جنيه وبأماره ماخليته يحفر في الأرض البور ويدفن الملاية والكوفرتة إلي كانوا مليونين دم إلي خدتم بعد ما غسلت وكفنت المرحومة، وهو هيفتحلك التربة .

هتلاقي إجابات أنا خايقة أفوها من يوم موت أميرة .

- طيب فين المولود؟ وإيه حكاية الكفن إلي في الحيطه؟
- معرفش فين، وإلي حط الكفن هو أشيب.
- وحطه ليه في الحيطه؟
- هو حطة من مكان ما خرج.
- الكفن ده من أكفان أميرة الخمسة إلي طلبتها، صح؟

- آه.

- طب ليه مقطوع نصين؟

- علشان .. علشان .. علشان ...

فجأة عينيها وسعت على الآخر وجحظت لبرا وبدأ جسمها  
يتنفض وكأنها بتتكهرب وانطلقت صفارات التحذير معلنة وفاة  
الدكتورة نعيمة!

رجعت لورا وفي عجز دخول أطباء الطوارئ إختفيت عن  
الأنظار ومشيت من المستشفى بسرعة.

وقفت تاكسي علشان أرجع البيت وبعد ما قولته العنوان  
لقيتني بقوله : معلىش أسف هغير المكان إلی رايح له.

◆ - تحت أمرك، على فين يا أستاذ؟


- مقابر بورسعيد القديمة.

# الفصل الحادي عشر

ONE PIECE

(الزائرة)

BOOKS





السائق : حضرتك مش من بورسعيد، صح ؟

- أيوة.

- تورتنا ياباشا.

- هي المقابر بعيدة ؟

- مسافة عشر دقائق، رايح تزور حد ؟

- ليا واحدة معرفة رايح أزورها.

- ماتفهمينش غلط أنا مش حشري، حضرتك بتشتغل إيه ؟

نادر ( ضاحكاً ) :

- لأ مش حشري ولا حاجة أنا صحفي.

- ما شاء الله واكليتها إنتوا والعة.

- ما أقولكش.

- و حضرتك بتكتب عن إيه بقى ؟

نادر (ضاحكاً) :

- العفاريت.
- بجد يا أستاذ بتكتب عن إيه ؟
- والله زي ماقولك العفاريت.
- يعني لو حكيتلك حكاية حصلتلي مع العفاريت ممكن تكتب عني بقا ؟

نادر (ضاحكاً) :

- هي الجملة دي ورايا ورايا، والله حسب، لو تشد ممكن أنشرها ويأسمك كمان لو تحب .

- لأنه يبقى لازم أحكيك بقى، صل على النبي.
- عليه الصلاة والسلام.

- في ليلة الساعة واحدة بالليل كنت خلصت شغل ومروح كلمني واحد صاحبي اسمه مصطفى قالي : يا علام جايبك مصلحة، هاتروح العنوان ده هتاخذ جدتي عاوزة تروح مشوار

ضروري وهتديلك إالي إنت عاوزه، إطلع روحها حالاً،

بصراحة أنا كنت تعبان بس محدش بيقول للرزق لأ، طلعت على

العنوان لقيت ست واقفة في الشارع وساندة على حيطه، نزلت

بسرعة أخذت بإيدها ورقبتها وقولتها :

- عاوزة تروحي فين يا أمي ؟

- أنا حافظه يابني العنوان بالشبه و مايقيتش أفكر أسامي

شوارع، إمشي وأنا هو صفلك.

- حاضر يا أمي.

إتحركت بالعربية والحقيقة إنها ماكانتش فاكرة حاجة خالص،

كل ما ندخل شارع تقولي لأ مش هو إرجع يابني.

الست العجوز:

- معلش أنا تعبتك معايا.

- مفيش تعب ولا حاجة بس أنا خايف نكون ماشيين غلط.

- مفش حد يفضل ماشي غلط غلط لازم في الآخر  
يوصل للطريق الصبح ، يعني إنت مثلاً كنت غلطول بتغير  
التسعيرة لو ركب معاك حد كبير في السن أو على نياته، ويوم  
ماخلفت زهرة بتتك توبت وبطلت تعمل كده .  
جسمي إنتفض بيا أستاذ وزى ما يكون إتكهربت لأن  
ماحدش يعرف الحوار ده حتى أقرب الناس ليا .

- إيه يا أمي الكلام إلي بتقوليه ده !

- ركز في طريقك يابني .

فضلت سايق وأنا مش فاهم الست دي جابت المعلومات

مين لدرجة إني ماكونتش مركز في الطريق وفوقت على صوتها

وهي بتقول :

( خلاص يابني نزلني هنا ) ، لقيننا قدام مقابر بورسعيد

القديمة إلي إحنا رايمينها دلوقتي ، وقفت ونزلت فتحت ليها

الباب وخذت بإيدها ونزلتها .

- تحبي أودي حضرتك فين ؟



- لأ خلاص يابني كثير خيرك، أنا هدخل لعمك الحاج.

- هو مكانش ينفع يا أمي تيجي بالنهار؟

كل وقت وله أذان.

- طب أنا هستاكي لحد ما تخلصي علشان أرجعك البيت.

- يبقى هستنى كثير يابني أنا هطول جوا.

- ما هو ميتعش أسيبك هنا لوحدك.

- ما أنا بقولك داخلة لعمك الحاج.

- براحتك يا أمي بس قبل ما تمشي قوليلي بالله عليكى الكلام

إلى قولتيه من شوية جبتيه منين؟

- مش مهم جبتو منين، المهم التوبة مقبولة يابني ووقفنك

جنب صاحبك إتكتبتلك .

خلصت الست العجوزه كلامها ومشيت ولا إدتني فلوس

ولا حتى أنا إفتكرت أطلب منها، ودخلت الست في شوارع

المقابر وإبتلعها الظلام، إتصلت بمصطفى صاحبي كذا مره

علشان اعرفه إن أنا هسيبها وأمشي بناءً على طلبها ماردش عليا،  
واضح إنه نام لإن الساعة كانت عدت إتسرين بالليل، دورت  
العريسة واتوكلت على الله، طول الطريق بفكر في كلام الست  
ولقيتني بقول لنفسي ساعمني يارب أنا توبت قبل كده ويجدد  
من تاني توبتي من أي حاجة غلط عملتها قبل كده .

موبايلى رن ولقيت مراتي بتعيط في التليفون وبتقولي إلحقني  
زهرة جاهها معص شديد وجريت بيها على المستشفى وبيقولوا  
الزيادة لازم تتشال حالاً ويسألوا فين أبوها لأن الوضع صعب  
جداً ولازم تمضي على إقرار وعاوزين ٣٠٠٠ جنيه حالاً .

قولتها : أنا جاي حالاً .

كل إليلي في جيبي من شغل اليوم كان مايكملش ٣٠٠ جنيه  
والبيت مفيهوش فلوس .

فضلت أبكي وأقول يارب بحق حبيبك النبي أقف معايا .

بحق إني بطلت الحرام أقف معايا .

بحق أي حاجة كويسة عملتها ساعدني يارب .

وفي عز إنهياري ببص في المرآة إلي قدامي لقيت الست  
العجوزة قاعدة على الكنبه ورا ومبتسمة وقالتلي :

- التوبة مقبولة يا بني .

فرملت العربية بسرعة وفضلت العربية تدور حول البن نفسها  
وأنا بحاول أسيطر على الدر يكسيون علشان العربية ماتتقليش  
بياء، إستقرت العربية وبدأت أحاول أتمالك أعصابي من جديد  
علشان ده مش وقت توتر، بصيت بحذر ورايا ملقيتش الست،  
لكن لقيت على الكنبه الطرحة السودا إلي كانت لبساها معرفش  
إيه إلي جابها ورا بالإضافة إن الست ماقلعتهاش، مديت إيدي  
أشيل الطرحة وقع منها فلوس بشيلهم لقيتهم ٣ رزم كل رزمة  
عبارة عن ألف جنيه .

مش عارف أقولك يا أستاذ علي إلي كنت حاسس بيه في  
اللحظة دي .

- مش يمكن الست نسيت الفلوس دي ؟

- الست ماقدتتش ورا من الأصل !

- مش يمكن فلوس زبون ثاني؟

- مستحيل، لأن أنا بعد كل مازبون ينزل بقلب العربية  
وأدور لو حد ناسي حاجة .

- جايز

- ما هولو صبر القاتل على المقتول كان مات لو حده، مش  
هرغي معاك في تفاصيل العملية وتعب بتسي لكن هقولك  
حاجتين إثنين بس .

أولهم :

زهرة بنتي لما فاقت من البنج بعد العملية قالتلي : تيتا الكبيرة

يا بابا بتقولك

( التوبة مقبولة والفلوس من نصيبك ) ولما سألتها عن شكل

تيتا دي وشفيتي نفس مواصفات الست اللي أنا قابلتها .

الحاجة الثانية بقي إن مصطفى صاحبني إتصل بيا ..

- معلش يا اعلام إنت طلبتني وماعرفتش أرد عليك .

- ولا يهمك حصل خير.

- مال صوتك في إيه؟

- بنتي زهرة كانت بين الحياة والموت وربنا نجاها.

- الحمد لله، إنت كنت بتتصل بيا علشان كده؟

- لأ خالص، أنا كنت بتتصل ببيك علشان جدتك نسيت

فلوس في العربية وصممت إني بعد ما أوصلها المقابر أسسبها  
وأمشي.

- إيه الكلام الغريب ده يا اعلام؟!

- ما علشان كده كلمتك.

- الكلام ده حصل إمتي يا اعلام؟

- في نفس اليوم إلي إنت طلبتني فيه علشان أوصلها يعني

أول إمبارح.

- علام أنا مطلبتكش ولا قولتلك توصل جدتي أصلاً.

- إزاي ده يعني؟! أمال أنا روحت خدتها من العنوان إلی

إنت إديتهولي إزاي؟!

- عنوان إيه؟

- عند المساكن الحديدية.

- فعلاً ده عنوان جدتي.

- أمال إيه الكلام العجيب إلی إنت بتقوله ده؟

- علام عارف إنت لما إتصلت بيا وأنا مارديتش؟

- أه طبعاً؟

- عارف أنا كنت بعمل إيه وقتها؟

- هعرف مينين!

- أنا كنت بستلم جثة جدتي من تلاجة الميتين!

- إيه الكلام ده؟

- علام أنا جدتي ماتت من يومين بالضبط وآخر حاجة دارت

بيني وبينها حكيتها على إلی إنت عملته معايا ووقوفك جنبي في

المصيبة إلی كنت واقع فيها وفضلت تدعيلك، وقالتلي لما كنت

بقولها إني نفسي أردلك إلي إنت عملته .. ردت عليا وقالتلي :  
كل وقت وله أذان يابني وكل شيء بأوانه وهيجي وقت هانزله  
الخير إلي عمله الطاق طاقين .

- أمال أنا وصلت مين الترب، معاك صورة لجديك ؟

- افتح الواتس بتاعك هبعثها لك حالا

علام ( صارخا ) :  
ONE PIECE

- هي .. أقسم بالله هي .. دي حتى طرحتها معايا .

- إنت بتقول إيه ؟ إنت بتهزر ؟ الطرحة دي ضاعت في

المستشفى .

- بقولك أقسم بالله الطرحة معايا وحطتلي فيها فلوس،

جدتك كانت عندي وركبت معايا التاكسي وكلمتني عن

حاجات محدش يعرفها حتى إنت .

- ومن يومها يا أستاذ يا صحفي وأنا بروح المقابر وأقف قدام

تربتها الله يرحمها وأدعليها وأقولها : الخير مردود يا ست الناس

كلامك كله كان صح، تنفع بقى الحكاية دي يا أستاذ نتشرها  
عندك ولا ماتنفعش؟


نادر (متأثراً):

- تنفع طبعاً يا إعلام مش بس في الجورنال دي لازم الناس  
كلها تعرفها وتتعلم العبرة منها.

- أديتا وصلنا أهوه، هنزل معاك أقرأها الفاتحة وأستناك لو  
عاوزني لأننا خلاص بقينا المغرب ومش هتلاقي أي عربيات  
توصلك.

- تمام يا إعلام تعالى معايا.

BOOKS







الفصل الثاني عشر

(عم عبدالرحيم)

BOOKS

السلام عليكم دار قوم مؤمنين، أنتم السابقون ونحن بأمر الله  
تعالى بكم لاحقون .

قلت الدعاء ده وأنا داخل ومشيت مع علام وقولتله :

- علام قبل ما تروح تقرأ الفاتحة : أنا حاييز أروح لعبد الرحيم .

- عبد الرحيم التربي ؟

- أه .

- تعالى نروحله هو بيته أصلاً لازق في الترب هنا .

- عرفني بس بيته فين ماتتعبش نفسك .

مشينا كان لسه في ضوء باقي من نور النهار لحد ما وصلنا عند

بيت صغير وعلام شاوري لي وقلالي :

- هو ده بيت عبد الرحيم .

شكرته وقولتله إستتاني في العربية بقى هخلص قعدتي معاه

وأرجعلك علطول .

علام مشي، خببت على الباب أكثر من مرة طلعتي واحد في

السبعينات من عمره

- خير يا حضرت!

- عم عبد الرحيم صح؟

- تحت أمرك يابني.

- أنا جايك من طرف الدكتورة نعيمة.

- أهلاً بالناس الطيبة.

- بص ياعم عبد الرحيم من غير ما ألسف وأدور وأضيع

وقتك ووقتي، أنا عايز أتزل تربة أميرة حسن عطية.

- ده إلسي هو إزاي يعني، حد قالك إني بفتح القبور على

الميتين!؟

- هنتفتح لما تعرف إن في عمل إتعمل للدكتورة نعيمة وإتدفن

في تربة أميرة معاها وهي بتدفن.

- يا ستار يارب، وهي ليه ما قالتليش الكلام ده لما كانت هنا

آخر مرة؟

- إحنا لسه عارفين النهاردة.

- طب هي ليه ماجتش معاك بنفسها وقالتلي الكلام ده ؟

- علشان تعبانة .

- خلاص ، اطلبهالي على التليفون تقولي الكلام ده بنفسها .

- بقولك تعبانة ومش هتقدر لا تيجي ولا تتصل .. افهم بقا .

- وأنا إيه ضمنى إن انت أصلاً جاي من عندها، مش

يمكن انت اللي جاي تعمل العمل وتدفعه، وبعدين أنا عمري ماشوفاك قبل كده .

- لأ أنا جاي من طرفها وهي قالتلي أمانة أقولها لك .

- أمانة إيه ؟

- إن دكتورة نعيمة كانت هنا من ثلاث أيام وإن طلبت

منها تقرأ لأميرة سورة ياسين أو بالظبط زي ما إنت قولت عدّية

ياسين .

- صح ياسيني ده حصل فعلاً .

- وكان خلتك تحفر تدفن في الأرض البور الملاية والكوفرة  
إلي كانوا مليونين دم إلي محدتهم بعد ما غسلت وكفتن المرحومة

- الله يرحمها ويحسن إليها.

نادر (وهو يفتح شنتته):

- خد إدفن الكفن ده مع الحاجة إلي دفنتها لان واضح إن  
الدكتورة نعيمة نسيته في البيت يوم الوفاة .

- يادي الوقعة السودا إلي مش هتخلص.

- أقولك على حاجة كمان؟ هي إدتك ١٠٠ جنيه قبل ماتشي.

عبد الرحيم (بعصبية):

- ماخلاص يابني بقى، ما قولتلك مصدقك ماكنوش ١٠٠

جنيه يعني إلي إدهملي وهتدلوني بيهم.

- طب خد ياعم عبد الرحيم دول.

- إيه دول كمان؟

- دول ٥٠٠ جنيه.

- ليه ؟

- من غير سبب، دول هدية ليك.

- لأ يا بني أنا مش عايز حاجة، واضح إن الدكتور نعيمة الله يسامحها قالتلك عني إني بتاع فلوس.

- والله أبدأ، الست ما إنكلمتش عنك غير بكل خير، إعتبرهم هدية مني، ده كفاية إنك هاتساعدني أخلص المسكينة الدكتور نعيمة من العمل المؤذي ده.

- تشكر يا بني، كتر ألف خيرك، قولي عايزني أعمل إيه بالظبط ؟

- ولا أي حاجة، إفتحلي قبر أميرة وبس.

- إستنى هجيب المفتاح من جوا.

إتحركت أنا هو وكانت الدنيا بدأت تضلم.

- والله يا بني ما كان ليها لازمة الفلوس دي كلها، بالله عليك

إوعى تقول إني هفتحلك التربة، لولا إنك جاي من طرف

الغالية بنت الغالي مستحيل كنت أعمل كده .

- متقلقش الموضوع مش هياخد أكثر من عشر دقائق.

- التربة أهيه يابني إلبى قدامك دي.

مهما شوفت ومريت، وبرغم إني نزلت الترب أكثر من مرة بتفضل هي المكان الوحيد إلبى هييته عمرها ما بتقل، كنت واقف قدام قبر أميرة وفي دماغي ألف سيناريو للى هشوفة جوا، أنا لحد دلوقتي مش عارف أنا داخل أدور على إيه، الدكتورة نعيمة ماتت وماقالتش غير جملة واحدة:

(إبنش قبر أميرة).

وقفتي قدام القبر ما بتفكر نيش غير بأسوأ تجربة مريت بيها

رغمأعني لما إتدفنت حي وصحيت جوا القبر.

(لمزيد من التفاصيل يرجى العودة لرواية نادر فودة ٢

كساب)

عبد الرحيم :

- روحت فين يابني ؟ أنا فتحت القبر أهو، هنعمل إيه

دلوقتي ؟

- ولا أي حاجة أنا هنزل ولما هخرج هاجيبك المفتاح لحد

عندك.

لأ أنا هنزل معاك.

مش هينفع.

خلاص يبقى هقف أمبتناك لحد ما تخرج من القبر.

مفيش مشاكل

- أجيبيك لمبة جاز ولا فانوس تاخده معاك وإنه نازل؟

- لأ أنا معايا كشاف موبايلى هنور بيه.

- طب خلى بالك من حاجتين، أميرة ميتة بقالها كذا يوم يعني

الريجة هتبقى صعبة أوي تحت.

- وإيه الحاجة الثانية؟

- التربة ليها وارد يابني، إعمل إيلي إنت نازل تعمله وإطلع

علطول، ومهما شوفت ماتعملش غير إيلي إنت نازل له وبس،

ومهما سمعت إعمل إيلي إنت نازله وبس، وكل ماتقصر في

الوقت كل مايكون مصلحة ليك .



- حاضر يا عم عبدالرحيم.

سبته ووطيت راسي ودخلت من باب التربة الصغير، محتاج أعرف أنا جاي هنا ليه، شغلت كشاف موبايلي واستعدت بالله من الشيطان الرجيم ومن همزات الجن والأبالسة ونزلت السلم، ولمحت أربع أكفان بسبب الضلمة متن قبادر أجدد مين فيهم الحديد ومين فيهم القديم

نزلت آخر درجة من على السلم وسلطت الكشاف على الأكفان ووقفت أتساءل: مين فيكم أميرة؟ مين فيكم إيلي سرها إتدفن معاها وأنا جاي علشان أكشف السر ده؟

حصل آخر شيء كنت أتوقع حدوثه، شيء أصابني بالذهول

المزوج بالرعب وانتابت جسمي رجفة شديدة في نفس اللحظة

# الفصل الثالث عشر

المواجهة الرهيبة

BOOKS

بعد ما سألت مين فيكم أميرة!؟

انطلقت أصوات متداخلة بتقول : أنا أميرة، فيها صوت  
رجال و ستات، وقفت مكاني بحاول أستوعب إلي سمعته .

سمعت بعدها صوت بيبي مش عارف أميز إذا كان راجل  
أو ست، صوت نجيب متواصل والأكفال ساكنة زي ما هي .

تملك مني الرعب وسمعت من فوق صوت عم عبدالرحيم  
بيقولي : إيه لقيت العمل ؟ ماردتش بصراحة عليه ...

صوت البكاء لسه بيرن في المكان، لكنة بدأ يعلى وبان إنه

صوت سيدة .

سكت الصوت ومش باقي قدامي غير الميتين مرصوصين

جنب بعض !

شغلت جهاز تسجيل الموبايل وبدأت أشرح إلي أنا شايفه

قدامي ...

مكانش في حل غير إني أعرف بنفسي أي كفن هو بتاع أميرة..

روحت لأول كفن رفعت القماش بهدوء عن وشه ( إفتكرت في اللحظة دي المشهد إلی شوفته للصر المقابر في مرآة صندوق الموسيقى ووقتھا قولت إن الشخص ده مش غريب عليا بس مكتش أتوقع أبدأ إن الشخص ده يبقى أنا ) لقيت هيكل عظمي يكسوه طبقة رقيقة جداً من بقايا الجلد البشري، الحمجمة أسنانها بارزة للخارج بشكل مخيف ..

وبمجرد ما جيت أرجع الكفن تاني على الهيكل العظمي القماش كان بيتقطع ويبدوب فتعاملت معاه برقة وغطيت الهيكل العظمي .

انتقلت للجنان الثاني .

كانت جنّة متحللة بشكل كبير وشعرها طويل ومفكوك وواقع بجوار الرأس، فكان من الواضح إنها ست بس أكيد مش أميرة لأنها ملحقته تتحلل بالشكل ده !

وأنا بتفحصها سمعت أنين خارج من الجنّة الأولى تجاهلته وغطيت الجنّة الثانية .

كان باقي قدامي جثتين .

روحتي لي عليها الدور وجيت أرفع القماش بتاع الكفن عن  
وشها ما عرفتش وكان مربوط بإحكام شديد جداً، فشكيت إنها  
جثة أميرة.

فضلت أحاول أكثر... إنطلقت آهات من الجثة السابقة  
تجاهلتها برودو وكملت محاولاتي في فك الكفن الثالث!  
وفي عز محاولاتي إيد مسكت إيدي! إنفزع  
لقيت الإيدي من الجثة إيلي بحاول أفك الكفن  
عنها، إيد ناشفة وماسكة إيدي بعنف شديد.

وفضلت تضغط أكثر، شدت إيدي بقوة منها، سمعت  
صوت كسر غالباً والله أعلم أنا كسرت الإيدي!

إستجمعت شجاعتي ورفعت راس الجثة وبدأت أشد الكفن  
بعنف من على الراس!

لحد ما إتقطع في إيدي!

ومع إنقطاعه الجثة وقعت وسمعت صوت طرقة وتكسير

مرة ثانية!

الوش اللي إتكشف كان وش راجل عجوز أو بمعنى أصح  
بقايا راجل عجوز عابس الوجه غاضب عينه مازالت سليمة  
ويتلمع ويتبصلي وكأنها هتتطق!

رميت الكفن اللي إتقطع فوق وشه!  
وأيقنت إن الجثة الرابعة المتبقية هي جثة أميرة إلي أنا جاي لها  
مخصوص، لفت علبان أروح لها... لقيتها قاعدة!

قاعدة ومتكفنة ويتحاول تفك الكفن عنها وكأنها دفنت حية!  
(ربي أعوذ بك من همزات الشياطين)

(وأعوذ بك ربي أن يحضرون)


فضلت أكررها لكن الجثة فضلت تتشجج أكثر!  
إتحركت ناحيتها وساعدتها في فك الكفن عنها، فكيتها  
وشوفت أميرة لكنها بشكل مختلف تمامًا.

كانت بشرتها زرقا، بيخرج الدود من عنينا وبوقها وبيزحف  
على وشها ورقبتها، دود صغير وكبير بينهش في الجثة، فتحت  
بوقها وخرج أفواج من الديدان على الأرض وزحفوا بسرعة

رهيبة ناحية باقي الجثث وهجموا عليهم وأصابت الجثامين

تشنجات جماعية مصحوبة بصوت صراخ وعذاب رهيب ...

أنا في وسط الجحيم ده ومش عارف أعمل إيه ؟



أديني نبشت القبر !



والجثث صحيت بسبيي !

ومالقتش حاجة !

هل ده كان هو المطلوب بس !

الجثث قامت كلها قعدت وقطعوا عنهم الأكفان، والدود

بيجري عليهم وكأنه بيدور على أي جزء باقي منهم ينفع ياكله !

لكن فعلاً مفيش حاجة باقية غير عينين الجثث الغاضبة،

إخترقها الدود وإلتهمها بسرعة رهيبة وسط صرخات من

الجحيم محيطة بيا !

أما عن أميرة بوشها الأزرق المنفوخ فكملت تقطيع الكفن

عن باقي جسمها لحد ما إتعرت تماماً، وجسمها ظهر .

بكل رعب وخوف أنا مديت إيديا علشان أعطي جسمها  
المنفوخ الأزرق اللون، صرخت في وشي وشدت مني الكفن  
ورميته في وشي !

مع رمي الكفن في وشي إتوجعت جيلداً، مكانش القماش  
السبب لأ....  
كان في حاجة صلبة جوا الكفن خبطت وشي غالباً طوبة أو  
ظلطة أو حاجة تانية !

مسكت الكفن وفضلت أفكه من بعضه وأنا بدور جواه على  
الشيء إيلي خبطني لحد ما لقيته !

شيء غير متوقع تماماً...

لقيت موبايل ... أيوة موبايل

حطيته في جيبي وأيقنت إن رسالة النيش جوا قبر أميرة كان  
هدفها إني ألاقي الموبايل ده !

بس ده موبايل مين ؟

ومدفون جوا كفن أميرة ليه ؟





ومع إضاءة البرق التالية

وشوشهم كانت في وشي !

أصوات من أعماق الحجيم محيطة بيا !

كل ده لمحته مع نور البرق !

وعادت الدنيا للظلام مرة ثانية وكل حاجة سكتت حتى

الأصوات نفسها سكتت ...

مع النور التالي : شوفتهم كلهم حاطين جثة أميرة في الأرض

وياكلوها !

وأظلمت الدنيا من جديد !

ومع البرق التالي شوفت أميرة وشها متقطع منه أجزاء وأثار

عضهم عليها ...


والمصيبة إنها كانت مبتسمة !

وأظلمت الدنيا من تاني.

ومع البرق إلي بعده لقيتهم عاملين دايرة حوالين أميرة وكان

معاها الملعون أشيب وبيصلي بصة كلها سخرية وهجم بمتهى

السرعة عليا، ولكن الدنيا ضلمت وتوقف كل حاجة !



ومع البرق التالي : لاقيت أشيب في وشي !

انطلقت صرخات مدوية ...

ONE PIECE

والبرق إلي بعد كدة مكانش خاطف ... لأ أستمر النور

واستمرت الصرخات والمكان كله كان اتبدل تمامًا ...

لقيت القبر أكبر وأوسع بكثير وكائنات مخيفة ملياه وإفتح

باب القبر، شالوني وأنا مستسلم تمامًا وخرجوا بيا في نظام ويطء

مخيف وبدأوا يطوفوا بيا المقابر وكأني قربان ماشين به في المذبح

الخاص بيهم ...

لحد ما وقفوا قدام قبر لقيت عم عبد الرحيم مرمي على

الأرض قدامه ميت غالبًا ...

وإتفتح باب القبر وإذا بي أجد بداخله جهنم مشتعلة وطالع  
منه أذرع سوداء، نزلوا إيبا وبمتهى النظام يبسلموني للدرعات  
دي وكأنها طقوس جنائزية ...

أما عن أميرة فكانت واقفة بعيد بشكلها الرئى، شوية تبكي  
وشوية تضحك !  
مسكتني الأذرع السوداء وإلى مجرد ما لمستني حسيت بمليون  
كرباج مشتعل بيقطع في لحمي ويولع فيا !

سلموني للأذرع، صرخت وقولت : يارب

اللهم إني أجعلك في نحورهم وأعوذ بك من شرورهم !

وغمضت عنيا ... واستسلمت لقدرى ... ناطقًا الشهادة.

أشهد أن لا إله إلا الله ..... وأشهد أن محمدًا رسول الله

أشهد أن لا إله إلا الله ..... وأشهد أن محمدًا رسول الله

وإذا بكل شيء يصمت تمامًا ... وإترميت في الأرض بعنف

شديد .

صمت ... سكون ... مفيش ألم ... مفيش صرخات ...

مفيش عويل أو نحيب !

فتحت عنيا ببطء وشوفت من جديد المشهد الأغرّب على

الإطلاق!

كل الجثث وأشيب ورفاقه بيتراجعوا بسرعة  
الأذرع بتراجع داخل القبر في خوف ووجوه من داخل القبر  
المشتعل تنظر بخوف وهلع ورعب شديد ...

وبالنظر لمصدر رعبهم الشديد ..

لم يكن سوى مجرد قطة !

أبوة القطة بتاعتي ...

القطة اللغز غير المفهوم رجعت من جديد !

وأشيب واقف بعيد يبص لي بغضب رهيب .

و شد أميرة من إيدها واختفى وبلعتهم الضلمه !

جريت على عم عبدالرحيم التري أفوقه وفاق الحمد لله وقالي :

- أعوذ بالله إنت إيه !؟

إنت مين !؟

أعوذ بالله ...

وطلع يجري ... وسامعه بيقول :

- تُبت يارب

ONE PIECE

مش هسرق الجثث تاني

مش هبيع الجثث تاني

مش هدفن أصلاً تاني ... خلاص

الشر دايرة ورجع لي، الست العجوزة قالتلي كده...

سامحني يارب .....

تجاملت على نفسي ودورت على القطة يمين وشمال ملقيتهاش

ورجعت لقبر أميرة وسلطت عليه الكشاف لقيت أربع أكفان

مرصوفة زي ما شوفتها في الأول ...

ساكنة في هدوء الموتى المخيف ...

وطلعت برا المقابر لقيت علام السواق نايم في التاكسي


صحيته.

وقولتله:

- اطلع يا اعلام .. اطلع يلا بينا يا اعلام إطاع بيا على البيت أنا  
تعبان ومحتاج أنام كثير جداً ...  
ومحتاج أعمل حاجات ثانية ...  
لأن خلاص إقتربت النهاية ...  
- أنا مش فاهم حاجة.

- مش مهم.

BOOKS





# الفصل الرابع عشر

( عودة أميرة من الموت )

BOOKS



وصلت البيت، أول ما فتح لي عم حسن قالي :

- إنت متبهدل كده ليه ؟ إيه اللي حصلك ؟ وكنت فين طول اليوم ؟

تهربت من الإجابة وادعيت إني محتاج أنام جِدًا دخلت الأوضة وقفلت على نفسي الباب .

فتحت شنطتي وقلبت كل اللي فيها على السرير ..

أقلامي، ورقني، جهاز الكاسيت، الشرايط، الكشاف وبعض

هدومي والكفن المقسوم نصين، معرفش عملت كده ليه .

بس أنا لسه بدور على حلقة مفقودة ولازم ألاقها .

موبايلى رن كانت أمي بتطمن عليا وبتسألني هتيجي إمتي

يابني ؟ عاوزة أشوفك، وعدتها إني أول ما أرجع من سفريه

بورسعيد هنزل البلد و أروحها لاني محتاج أترمي في حضنها،

قفلت معاها المكالمه وجبت ورقة وقلم ودونت مجموعه

ملاحظات وفتحت الموبايل بتاعي على التسجيل الصوتي علشان  
أفرغة وأكتبه.

لما شغلت التسجيل الصوتي أول دقيقة منه كانت فعلاً عبارة  
عن شرح مني للموقف، بعدها بدأ صوتي يبعد وينخفض  
تدريجياً ويحل محله أصوات تانية وكلام أخير مخيف جداً مهما  
حاولت أشرحه ليكم مش هاعرف .

محتاج أنام وفي نفس الوقت محتاج أشغل الموبايل اللي لقيته في  
الكفن

يمكن أفهم مغزى اللي حصل .

حاولت أشغله أكثر من مرة ماكانش بيشتغل، من الواضح  
إنه محتاج يتشحن .

من حُسن حظي إن الشاحن بتاعي ينفع يشحنه .

حظيته يشحن وإترميت على السرير في وسط كل متعلقاتي  
وذهبت في نوم عميق .

نوم ملء بأحلام مزعجة وتخاريف وتهديدات وهلاوس .

ما عرفش نمت قد إيه، بس أديني نمت و خلاص، لما صحيت

بصيت في ساعة موبايلي كانت تسعه الصبح .

بصيت بسرعة على الموبايل إللي لقيته كان إشتغل ومشحون

للآخر .

خطفت الموبايل من على الكومودينو ومع شوية تقليب فيه

يتأكدت إنه موبايل أميرة، وأول حاجة فتحتها الصور، كانت في

الأول صور عادية لكن بعد كدة

صور ليها واقفة بفستان غريب قدام المراية واسع وحاطة

أيدها على بطنها المنتفخة .

الحقيقة الصور ماجابتش جديد أنا مش محتاج تأكيد إن أميرة

كانت حامل أصلاً .

بصيت على سجل المكالمات لقيت مكالمات مع أبوها عم

حسن، ومكالمات مع أشخاص ما عرفهمش من الواضح إنهم

صديقاتها البنات، ولقيت ١٤٠ missed call من سامر !

١٤٠ ده رقم غريب!، إيه إيلي يخلي واحدة أخوها يتصل

عليها ١٤٠ مرة وماتردش عليه!؟

فتحت بسرعة رسايل الواتس أب ودخلت مباشرة على  
الرسايل إيلي بين أميرة وسامر ولقيت مجموعة رسايل بينهم  
كانت كالتالي:

سامر: أنا عرفت كل حاجة

أميرة: هو إيه إيلي عرفت كل حاجة!؟

سامر: بطلي استعباط، أنا عاوز أساعدك.

أميرة: أنا ما طلبتش مساعدة منك ولا من غيرك.

سامر: هو إنتي بتخبي الموضوع ليه؟

بتستري على المجرم الحقيقي ليه؟

أميرة: مجرم مين إنت بتخرف، بلاش شغل الافلام الاجنبي

إلي بتتفرج عليها والنبي

سامر : للمرة الأخيرة صارحيني، إنتي فعلاً حامل من واحد

إسمه أشيب ؟

أميرة : إنت كده زودتها أوي.

أنا هاحكى لبابا على كل إلی إنت قولته ده .

سامر : وأنا هاقتلك يا أميرة، أنا مش هفضل قاعد مستني إن

حضرتك تخلفي ونحبيي لينا الفضيحة والعار .

أميرة : خلاص طلعتني مجرمة وهاجيلكوا الفضيحة والعار

!؟

سامر : حتى ولو بريئة ورافضة تحكي إلی حصل، أنا هاعتبرك

شريكة في الجريمة.

أميرة : اعمل إلی تعمله أنا هكون فرحانة جداً لما أموت سواء

بإيدك أو بإيد حد تاني.

سامر : لأ بإيدي أنا مش بإيد حد تاني.

إنتهى الشات بين سامر وأميرة بصدمة كبيرة ليا ..

إزاي يعمل الجريمة دي وهو مش متأكد إن أخته ليها ذنب؟

إزاي يقرر يحاكمها ويصدر عليها حكم بالإعدام وينفذه

بالبساطة دي؟

كانت دماغه فين وقتها؟

هل كان متخيل إن ده مش هيتعرف؟

هل متخيل إن الوش السخيف إالي مديهولي هايجليني ما

أدورش وراه؟

ويعدين!

بس يا جماعة أميرة ماتت بتزييف (حسب كلام الدكتورة

نعيمة).

يبقى إزاي موتها؟

طب ليه الدكتورة نعيمة بعتنني المقابر؟

هل معقول دكتورة نعيمة شكت في سامر بعد ما قرأت

المحادثة إالي ما بينهم؟

فدفنت الموبايل مع أميرة علشان السر يموت، وقررت تقول

علشان تريح ضميرها زي ما قالتلي لما الموت قرب ؟

ياريتك كنتي عايشة يا دكتورة علشان أفهم أكثر .

طب مش يمكن حكاية إن أميرة ماتت بسبب التريف دي

كذبة إختلقتها الدكتورة نعيمة علشان تحبي على سامر وما

بيقاش موت وعراب ديار زي ماهي قالت الجمله دي بالضبط

قبل كده .

واحدة تقتل والثاني يتعدم .

ماعنديش حل غير إني أواجه سامر .

أنا دلوقتي في إيدي سلاح يخليه يفكر مليون مرة قبل ما

يتهرب من مواجهتي زي كل مرة .

والله وجاتلك وقعة يا سامر .

مسكت موبايل أميرة وفي الرسائل إالي بينها وبين سامر كتبت

لسامر : .. وحشتني .

الرسالة إتشافت بعدها بثانية، وفضل كلام يتكتب ويتمسح

لحد ما جالي الرد:

سامر: إنت مين؟

نادر: إيه لحقت تمسح رقمي؟

سامر: هتقول إنت مين يا حرامي ولا أجيبك؟

نادر: لأ إنت ممكن تجيلي أسهل، أنا مستنيك.

سامر: أجيبك فين يا...!

نادر: مقابر بورسعيد القديمة، مكان ما دفتوني.

سامر: مين إالي بيتكلم؟

نادر: أميرة يا سامر.

سامر: مستحيل، إنتي ميتة، أنا دفتك بإيديا.

نادر: إسمها قتلتك بإيديا.



سامر : إرحمني، إنتي من يوم موتك وأنا حرفيًا بكلم نفسي،  
ماكانش ينفع أسيب الموضوع يوصل للمرحلة دي.

نادر : علشان كده قتلتنني ؟

سامر : قسماً بالله لو عرفت إنك حد بيستعيط وسارق موبايل  
أميرة ليكون موتك على إيديا.

نادر : ليسك حق ما إنت أخذت عليها وقتل الناس بقى  
بالنسبالك حاجة سهلة، إللي يقتل أخته ياسامر ممكن يقتل أي  
حد .

سامر : ده أكبر دليل إنك مش أميرة .

نادر : أنا مسبتنيك، أنا عارفة إنك مش في البيت وهران  
كعادتك، أنا هدخل أوضتك دلوقتي قدامك نص ساعة لو  
ماجيتش هادخل لبابا وهاوريلسه تهديك ليا بالقتل وهاحكيه  
على كل حاجة.

سامر (متهكماً):

- إحكي له يمكن يعرف يحل اللي ما حلوش قبل كده.

كل رد بتكتبه بياكدي إنك حرامي وسارق موبايل أختي  
وضدقني هاجيبك.

نادر : إنت عارف أنا فين دلوقتي ؟

أنا قدام مكتبك وفاتحة مجلة حور من اللي غلافها صورة  
لنفرتي

لسه شاكك إني مش موجودة في أوضتك ؟

سامر : مش ممكن إني بيحصل ده !

نادر : حلوة أوي الخرزة الزرقا إني متعلقة في أباجورة

المكتب، والأجل منها عليها حرف ( m ) اللي عليها، وبعدين

تعالى هنا هو أنافضل أطبق لك هدومك حتى بعد ما أموت ؟

اتعلم النظام شوية بقى، أنا هطبقها لك للمرة الأخيرة

أديني بتسلى لحد ما تشرف، تحب أبعث لك صور من الأوضة

ولا كفاية كده ؟

سامر : خلاص أنا مصدقك، أنا جاي في الطريق .

وقفت في نص أوضة سامر وأنا بفكر هل ممكن إلي عملته

يخليه يعترف بقتله لأخته ؟

ولما يعترف هقول لأبوه المسكين إيه ؟

- ابنك قتل بنتك، وقتلها ليه ؟ علشان إكتشف إنها حامل

من جن !


يارب ألهمني الصواب في التفكير وحسن التصرف .

أنا لحد دلوقتي مش قادر أجزم إنها مقتولة .

كلام الدكتور نعيمة إنها نزفت لحد ما ماتت

ده إذا كان كلام الدكتور نعيمة أصلاً حقيقي !

BOOKS





# الفصل الخامس عشر

(مواجهة واعتراف)

BOOKS

مرات ربيع ساعة وسمعت باب الشقة يبتفتح، كنت قاعد على  
طرف السرير بتاع سامر .

لمحت رجله من تحت الباب وهو واقف وأكيد كان خايف  
ومرعوب طبعًا .

نزلت من على السرير وروحت ناحية الباب وقبل ما أفتحه  
سامر خبط على الباب وكأنه بيستأذن في دخول أوضته !

فتحت الباب وأنا على وشي ابتسامه في منتهى السخافة زي  
ابتسامته بالظبط إللي ابتسمهالي قبل كده .

سامر ( مندهشاً ) : إيه ده !

نادر : إيه شوفت عفريت ؟

سامر ( غاضباً ) : إنت بتتهب إيه في أوضتي ؟

نادر ( ساخرًا ) : بتشمس .

سامر : كلمة تانية ومش هيبقى منك حته سليمة .

نادر : تعملها ما إنت قتال قُتلة.

سامر دفعني جوا الأوضة وقفل الباب.

– إنت جيت التخاريف دي مينين ؟

– من موبايل أختك.

– إنت لقيته فين ؟ الموبايل ده ضايع من يوم موت أميرة.

– من عندها.

– من عندها إزاي يعني ؟ بقولك جيته مينين ؟

– أعتقد إن أنا مش محتاج أكذب زي واحد صاحبنا.

– تقصد إيه ؟

– أقصد إن إنت اللي هتكذب كتير الفترة اللي جاية.

سامر (متهكماً) :

– أكذب علشانك إنت !

– لأ .. هناك .. قدام وكيل النيابة.

سامر (بوجه شاحب) :

- قولتلك ماقتلتهاش، إزاي أقتل أختي؟!

- والله أنا هسلم الموبايل للشرطة وهما اللي يقرروا.

- وهتبقى إستفدت إيه؟

- زي اللي إنت استفدته بالظبط لما موتت أختك

- بقولك ياغبي ما موتهاش.

- والرسالة إلكي على الموبايل؟

- رسالة زي أي رسالة، لو كل واحد إتعاقب على رسالة

كتبها في وقت غضب كنا كلنا هنكون على حبل المشنقة.

- خلاص يبقى تفهمني كتابتك للرسالة وتهديدك ليها كان

ليه؟

- ما يخصكش.

- إنت إزاي كده؟! أختك ماتت غدر ولسه بتقولي

ما يخصكش!

- وهتستفيد إيه لما تعرف ؟

- الأقي حاجة أقولها لأبوك المسكين.

- هو أنت فاكّر لما تقوله إن إبنك قتل بتتلك، إنت كده هترجحه !؟

- طبعاً، بس هعرف كويس أقوله مليون مبرر وسبب أمتص بيهم غضبه

وبعدين ما أنا فاهم اللي فيها.

نادر (بنظرة كلها خبث) : هي مش المرحومة كانت حامل

بردو ؟

سامر (مصدومًا) :

- إنت عرفت مينين !؟

- مش مهم، بس الغريب يا أخي إنك تعاقب الضحية وتسيب الجاني.

- جاني إيه اللي أسيبه، ياريتته كان ينفع أقتله إنت مش فاهم أي حاجة.



- وإنت فاكر إن الجن ماتقدرش تتغلب عليه؟! -

- إياك تكون فاكر إن أختي إتجوزت إن الجيران مثلاً! -

- يا بني هو إنت أهبل، هو إنت متخيل بعد الفترة إالي قعدتها عندكم دي كلها

إني ماعرفتش إن أختك كانت حامل من مين؟ أو بمعنى أصح من إيه؟

تجأ أفولك إسم الزوج؟ أشيب .. صح؟

- أنا مش مستوعب إنت جيت الحاجات دي كلها إزاي ومنين؟! -

- خليك بقى مش مستوعب علطول كده، ولآخر مرة قولي

الحقيقة .

- أخرج برة أوضتي.

- دكتورة نعيمة ماتت يا سامر.

سامر (مصدوماً) :

- إيه!

- وطبعاً إلي موتها أشيب.

بس أحب أقولك إنها ماتت أبشع موثة ممكن تتخيلها، دكتورة نعيمة ماتت محروقة

البيت ولع وهي فيه، ومحدث عارف ولع إزاي إلا أنا وإنت؟

- إمتي حصل الكلام ده؟

نادر (متجاهلاً سؤال سامر):

- موت الدكتورة نعيمة مش نهاية المطاف

- معنى كلامك إنك عارف إن مش أنا إلي قتلت أميرة

أختي؟

- مش لازم القتل يكون بالإيد.

إنت قتلتها بتسترك على السر

أنا متأكد إنك عارف القاتل الحقيقي.

- مش إنت لسه قايل إن أشيب إلي موتها؟

نادر (ساخراً):

- هو إنت مسكت في الكلمة ولا إيه؟

أنا كلامي واضح يا سامر، إحكي إلي إنت مخييه، الشات إلي  
بينك وبين أميرة أنا مش مقتنع إنه إنتهى بالجملة الأخيرة إلي  
على موبايلها .

– وأنا ما أقدرش أقول حاجة أكثر من اللي قولته .  
– وهي ذنبها إيه المسكينة ؟  
مش معقول جُبنك وخوفك يخلوك سلبى بالشكل ده ! ..  
انت مش راجل .  
ONE PIECE  
سامر ( انفجر باكياً ) :  
– إنت مش فاهم أي حاجة .  
– خلاص فهمني .

– ما أقدرش، أنا مقرر إن السر يموت معايا .

BOOKS

– وضميرك ؟

– أنا بموت كل يوم بسبب ضميري ده .

– وأبوك ؟

– ماله ؟

نادر (بنظرة كلها تحدي) :

- مش عايز تحكي حاجة عنه ؟

سامر (بنظرة يملأها الفرع) :

- أنا ها حكي لك كل حاجة .

بس مش بصوتي ، بصوت أختي المسكينة .

- مش فاهم تقصد إيه ؟

سامر (انهار على الكرسي) :

- فعلاً كان في رسائل بس أنا مسحتها .

بعد ما خلصت كلامي مع أميرة بحوالي ساعة لقيتها بعثالي

رسالة صوتية

بتحكي فيها كل حاجة، كنت بسمعها وجسمي كله بيتنفض

من الطلقات المتتالية إلي كانت بتطلقها عليا مع كل حرف

بتقوله .

- كان فيه إيه التسجيل الصوتي ده ؟

- هابعتهولك على تليفونك، إديني رقمك وأرجوك إنساني

تماماً بعد كدة

لأن أنا شخصياً نفسي أنسى حياتي كلها، وإنت وجودك  
هايفكرني بالمصيبة اللي أنا عملها دلوقتي .

- مصيبة إيه ؟

- إني أبعت لك التسجيل الصوتي .

- أنا عندي سؤال قبل ما أسمع، مين اللي مسح التسجيل ده  
من موبايل أميرة ؟

- ما عرفش، موبايل أميرة إختفى بعد وفاتها علطول .

- خذ رقمي أهو وأنا هدخل أوضتي وهستناك تبعتي لي  
التسجيل الصوتي .

وأنا طالع من الأوضة قابلني أستاذ حسن وإستغرب  
من وجودي في أوضة سامر وخصوصاً إنه عارف إن سامر  
مايطيقنيش، إتحدجت بأي كلام ودخلت أوضتي وقفلت عليا  
الباب .

رسالة سامر وصلتني وكانت فعلاً عبارة عن تسجيل صوتي  
شغلته وبدأت أسمع أميرة وهي بتقول كل حاجة بالتفصيل


..



# الفصل السادس عشر

(الرسالة الصوتية)

BOOKS



سامر .. أنا من وقت ما بعث لي رسايلك وأنا منهاره وبعيط  
مش بسبب اللي أنا فيه بسبب إنك تشك في أختك .  
أنا عارفة إنك كنت واقف ورا الباب وسمعتني وأنا وبابا  
بتتكلم وسمعتني وأنا بقوله  
مبروك يا بابا هتبقى جدو أنا حامل من أشيب، طبعاً أي حد  
هيسمع الكلام ده  
مش هيقول غير إني واحده منحلّة، بس كنت أتمنى إنك  
تسألني بدل ما تصب عليا كم الإتهامات دي أو حتى تكمل  
تجسسك علشان تعرف الحكاية كلها .  
أنا أختك مش واحده من الشارع، لو كنت وقفت خمس  
دقائق زيادة وكملت تجسس كنت عرفت القصة كلها، لكن إنت  
إكتفيت باللي سمعته وبنيت إتهامك على أساسه .  
إسمع بقى الحكاية من الأول لأن عمري ما هقدر أبص في  
وشك وأنا بحكيها .

البداية يوم ما بابا دخل عليا بصندوق غريب عجيب شكله  
أثري وقالي إنه جايبهولي هدية

طبعاً إنت فاكِر اللي حصلي وقتها وحاالي اللي إتبدل وكنت

إنت أول واحد بيقول عليا إتجننت

يمكن أنا فعلاً إتجننت بسبب اللي شوفته .

مقيش بني آدم يجيله هدية يفتحها تكون سبب لفتح كل

أبواب الحجيم عليه .

الصندوق ده أنا ما فتحتوش إلا مرة واحدة ومن وقتها وأنا

عايشة في حجيم .

البداية لما كنت واقفة قدام مرايتي لقيت فستاني بيترفع من

عند رجليا وأنا ما حركتشي أيديا

بعدها لقيت كم الفستان ينزل من على كتفي، أنا فضلت

متجمدة وفي حالة ذهول من إلي بيحصل، لحد ما إنعكسي في

المرآة إتكلم وكأنها واحدة ثانية نسخة طبق الاصل مني وقالت

:

- سلمي نفسك للأشيب بمزاجك وبكيفك بدل ما يحصل

غضب عنك وتموتي في النهاية .

( أنا إنخرست من هول الصدمة )!

إنعكاسي :

- الموضوع ممكن يتحل بكل هدوء .

أميرة ( بمتتهى الرعب والخوف ) :



- أنا مش فاهمة حاجة

- إنتي هتكوني أم الوريث الجديد لأشيب.

- أشيب مين؟

- أشيب هو ملك من ملوك الجن السفلي ويتم إستدعاؤه

بالصندوق إيلي إنتي فتحته

لما الصندوق بفتحته بنت مش متجوزة ما بيكوش عندها  
إختيارات غير إنها تسلم وتكون زوجة لأشيب وتسلمه الوريث  
في حمل لا يستغرق أكثر من شهر، وبعدها بيرجع كل شيء زي  
الأول.

أما لو اعترضت أو غدرت فكل ده برودو هيحصل والنهية  
هتكون موتها بعد إنجاب الوريث.

- وإنتي مين؟

- أنا إنعكاسك أو سميني قرينتك إيلي جاية تنصحك علشان

لو موتي أنا كمان هموت

ولأن أنا عايشة في العالم الآخر من المراية فأنا شايفة أكثر منك

بكتير.

- أنا برودو معرفتش مين الأشيب إيلي بتقولي عليه ده وهل

هو شكله زيينا؟

والصندوق ده مصدره إيه؟

- إن كان على أشيب فكده كده هتشوفيه سواء وافقتي أو رفضتي،

وإن كان على شكله فهو هيمظهرلك بأكثر صورة شكله يقدر يقرب بيها من شكل البني أدمين .

- طب والصندوق ؟

- في حاجيات بلاش نسأل عنها يا أميرة أفضل لنا، لأن الحقيقة ممكن تكون أسوأ من أسوأ أي سيناريو ممكن تخيليه .

- أنا حاسه إنك خايفة عليا برغم إني خايفة منك جداً .

- هقولها لك تاني ( موتك يعني موتي )، وظهوري النهارده

هو رسالة كلقني بيها أشيب لو أنا عايزة أعيش، كده كده مش هتشوفيني تاني، ده إنتي ممكن تنسي أصلاً إنك شوفيني .

أرجوكي يا أميرة إحنا مش قده، ده قدرك وقدري الي ملناش ذنب فيه .

- أمال مين إالي رفع الفستان ؟

- دي أقل حاجة يقدر يعملها

- إنتي ليه بتلغي وتدوري ومش عايزة تقولي قصة الصندوق ؟

ومين ورا كل إالي أنا فيه ؟

- أبوكي يا أميرة!

أميرة (في قمة الصدمة) :

- إيه ؟!

- أنا هحكيلك إيلي حصل طالما مصممة.

عارفة بيتنا القديم ؟ في واحد ساحر أبوكي قابله وقاله إن البيت بتاعك تحته كنز لكنه مش أي كنز، يعني مش آثار، ولما أبوكي حب يستفسر أكثر، الساحر قاله على عمق عشرة متر تحت البدروم الكنز موجود في التابوت المرصود مدفون ومستني إيلي يلاقيه .

أبوكي طار من الفرحة وإفكر إن التابوت ده هو مفتاح السعادة، لكنه ماكنش يعرف إنه مفتاح كل الآلام والأحزان إيلي إنتي عيشاها دلوقتي .

◆ الساحر قال لأبوكي إن التابوت ده في جواه كتاب وصندوق موسيقى هتفتح الكتاب وتنفذ كل الخطوات إيلي فيه وهاتهدي الصندوق لأقرب بنت من دمك، بعدها كل أبواب كنوز الدنيا هاتفتحلك .

أبوكي سأله : طيب البنت إيلي هتاخذ الصندوق هيحصلها

إيه ؟

الساحر : هتكون عروسة لملك من ملوك الجن لمدة شهر،  
وبعدها هتخلف منه وهاخد ابنه الوريث وكل حاجة هترجع  
حرفياً زي ما كانت، حتى بتتك هترجع زي ما كانت .

حسن : يعني مفيش ضرر عليها ؟

الساحر : مفيش أي ضرر هيحصل غير في حالة واحدة بس  
.. إنك تنقض العهد وترجع عن الإتفاق .

حسن : وده يحصل إزاي ؟

الساحر : إنك تقطع الكتاب، وما تحاولش تفتح الصندوق  
أبدا لأنه موجه لأم الوريث فقط .

حسن : ولو فتحتة إيه إيلي هيحصل ؟

الساحر : الصندوق ده فيه مفتاح ما بيعيش من وراه غير

الآلام لأي حد غير أم الوريث

بالنسبها هيكون بمثابة الرباط المقدس لكن بالنسبلك إنت

أو أي حد تاني هيكون حزن وألم كبير .

حسن : خلاص أنا هعمل كل إيلي قولت عليه .

أبوكي مكدبش خبر، حضر البيروم ولقي التابوت وطلع منه


الصندوق والكتاب

فتح الكتاب على أول صفحة لقي مكتوب فيها :

أنت الآن على أعتاب كل أبواب الكنوز، قم بقراءة الطلسم

الآتي في الخلاء والظلام

وارسم من حولك نجمة سداسية، عند كل طرف من أطرافها  
أشعل شمعة ومن حول النجمة بالكامل ارسم دائرة مغلقة  
أبوكي نخذ الكتاب بالصندوق وجاب الشمع ورسم بالقلم  
في الحمام النجمة السداسية وحواليها  
الدائرة وولع الشموع وقعد في النص وفتح الكتاب وبدأ يقرأ  
الطلسم .



- أيها الملك المنيع  
جئتك خادماً مطيع

أيها الملك المغوار  
جئتك باحث عن الاسرار

أيها الملك الزعيم  
جئتك بهاضي أليم

أقسم عليك بكل أسماء ملوك الجن الأباطرة .  
أن تتخذني خادماً عاملاً نهاراً وليلاً عيوني ساهرة .  
بحق كل ما نطق في باطن الأرض من كائنات صاغرة .  
أن تقبلني يا كبير الأباطرة .

أيش ... عيش ... نار ... دمار ... بكر ... عذراء ... خادمة  
... وريث .

ارتفعت النار الصادرة عن الشمع ووصلت سقف الحمام

وصرخ أشيب في أبوكي  
وقاله : لقد قبلناك .

- أعتقد كده فهمتي يا أميرة مين ورا كل حاجة، بنهك للمرة  
الأخيرة قبل ما أختفي  
العهد إتوثق بين أبوكي وبين أشيب وفي إيدك الموضوع يمر  
بسهولة من غير ما حد يتأذي .  
أنا همشي بلا رجعة والكورة حالياً في ملعبك والاختيار  
اختيارك .  
تستكمل أميرة :

أعتقد يا سامر إنك دلوقتي مصدوم زي ما أنا إتصدت  
وقتها بالضبط .

ليلتها فضلت مش عارفة أنام من التفكير إزاي بابا يعمل كده

حتى لو مفيش ضرر عليا ولو بنسبة ١ في المليون .

إزاي يكون فاكر إن كنوز الدنيا يمكن تنسيني الموقف إلي هو

حاططني فيه دلوقتي .

نمت من كتر التعب والتفكير .

بس تسرب لوداني صوت أنا عرفاه كويس، صوت القرينة أو  
الإنعكاس اللي في المراية مصحوب بصوت صندوق الموسيقى  
الملعون، وهي بتقولني :

- إصحي يا أميرة حان الآن الموعد المنتظر، أشيب في طريقه  
للحضور .

قمت قعدت على السرير ونورت نور الأباجورة إلی جنبی  
وبصيت على المراية

لقيت إنعكاسي واقفلة وبتشاورلي إني أروحها، قمت  
وروح ووقفت قدامها  
وقالتلي :

- إنتي عروسة الليلة وزوجك أكيد مش هيجب يشوفك  
بالشكل ده .

◆ - أنا مش فاهمة حاجة، ومين قالك إن أنا موافقة ؟

- ومين قالك إن إنتي عندك رفاهية الاختيار ؟

أبوکي باع ومستتي يقبض، ولو أشيب ماخدش إلی هو  
عايزه !

صدقيني البيعة هتبقى خسرانة من ناحيتکم إنتوا بس .

- أرجوکی بلغیه إنه یبعد عني ويسينني في حالي .

- مابقاش ينفع خلاص، إفتحي دولابك هتلاقي فستان

أسود البسيه

وهتلاقي على الرف إزازه إشر بي كل إالي فيها.

- فيها إيه ؟

- فيها إالي يخليكي تستجيبى لأشيب وترضخي له تماماً.

- تقصدي مخدر بعني ؟

- حاجة زي كده، بس هو مايعرفش عنها حاجة.

أنا زي ماقولتك قبل كده موتك هو موتي ونجاتك هي نجاتي

أرجوكي اعملي ده بسرعة قبل فوات الأوان .

- ولو ماعملتش ؟

- بسيطة، ممكن أقولك إنه هيموتك ويموت أبوكي ويموت

أخوكي

بس أقسملك إنه هيخليكوا تتمنوا الموت ومش هاتطولوه

، إعتبريها تضحية يا أميرة وصدقيني تضحية مؤقتة جداً،

والمشروب إالي قولتك عليه مش هايخليكي تفتكري تفاصيل

إالي هايحصل الليلة.

المراية إتهزت بعنف وإتحركت لقدام وبدأ إنعكاسي يتلاشى

وهي بتقولي :



- مفيش وقت للفستان خلاص إشرى المشروب بسرعة .  
سمعت صوت زجاجة مخيف ومن تحت المראה شوفت رجلين  
مليانين شعر وليهم حوافر  
وكانت الحوافر بتخبط في الأرض بصوت يخلع القلب .  
وبصوت جاي من أعماق الجحيم سمعت حد بينادي بإسمي  
الصوت كان كقبيل يصيبني بنوبة من الرعدة خلتنى أجري  
على الدولاب وفتحته  
لقيت إزازة صغيرة شبه إزازة الدوا فمحتها وبدون تفكير  
شربت كل إلي فيها .  
رجعتها مكانها حسيت بهوا سخن ويحرارة شديدة ورايا  
إتلفت وأنا في منتهي الرعب لقيته ورايا ( أشيب )  
مش زي ما أنا كنت متخيلة إنه وحش من وحوش جهنم، هو  
أقرب ما يكون لينا

لون بشرته غامق، شعرة أبيض تماماً، أسنانه مدببة  
نظراته حادة جداً ومرسوم على وشه إبتسامة مخيفة وقالي:  
- أميرتي وزوجتي وأم وريثي ..  
أهب لأبيك ما ابتغى من المال وما طلب من كل غالٍ ونفيس  
في مقابل أن تهبيني نفسك وتكون أمًا للورث .  
مهما وصفتك ياسامر مش هقدر أوصفلك إلي أنا كنت فيه،  
لكن بفضل ربنا

إن المشروب مفعوله بدأ يسري بسرعة وبدأت أشعر بدوخة  
وتوهان

وفقدت إحساسي ووعيي بالكامل وآخر حاجة فكراها وأنا  
بقع على الأرض .

أرجوك يا سامر ما تسألنيش عن أي جزء خالص حصل في  
الفترة دي

أنا لما فوقت فضلت مش مستوعبة إلی أنا فيه  
حاولت أفتح نفسي إن كل ده كان وهم وخصوصاً لما فتحت  
الدولاب ومالقتش الإزاة ولا الفستان الأسود .

الفرحة ماكملتش لأن بعد أقل من أربع أيام حسيت بحركة  
في بطني وبدأت بطني تكبر، ويوم ورا يوم بتكبر أكثر .

ومش بس كده كل كوابيسي كانت عبارة عن طفل بيخرج من  
أحشائي غريب الشكل

مرعب، مقبض، وبيكلمني بصوت مخيف بلغة غير مفهومة .  
ماكانش قدامي غير إني أسلم بالأمر الواقع، نزلت اشترت  
فساتين واسعة بتاعة الحوامل علشان أداري المصيبة .

تعمدت أختفي عنكم قدر الإمكان وإتجنبت إني أقعد معاكم  
على سفرة واحدة وأنا في إنتظار نهاية الكابوس ده .

لأن أنا فاكرة كويس إنعكاسي لما قالتلي إن الحمل لن يستغرق  
أكثر من شهر .

فكده خلاص أنا على وشك الولادة وعلى وشك نهاية الجحيم،  
أوده إالي كنت فكراه لأن بعدها بيومين كنت داخلة الأوضة لقيت  
أشيب واقف في نص الأوضة ويصلي بنظرة كلها تشفي.

وقالي :

- خلاص قربنا.

- هل سلمت أبويا إالي هو عاوزه ؟

- بعد ما تسلمني إالي أنا عاوزه

- هو أنا هولد إزاي ؟

- هتولدي في بيتك.

- ولو حد حس هنا هقول إيه ؟ وإزاي أولد من غير دكتورة ؟

- بيتك مش هنا.

- نعم ؟!

- بكرة اخريوم ليكي على الأرض .

أميرة (برعب) :

- إنت بتقول إيه ؟ إنت هتموتني ؟

أشيب (بابتسامة كلها خبث) :

- ومين قال كده ؟

بكره هاتي جي معايا كل عشيرتي في انتظارك، أنا أقتعتهم  
ومتظرنك

فما تحمليش هم مين هيولك والكلام ده .

- وعشيرتك دي فين إن شاء الله !؟

- زي كل عشائر الجن في باطن الأرض.

- إحنا ماكانش ده إتفاقنا .

- أعتقد عندكم الزوج ليه الحق إنه ياخذ مراته معاه في أي  
مكان هو عاوزه .

- وأنا مش موافقة ولو حاولت إنك تاخذني بالعافية هموتلك إنك .

أشييب (صارخاً بكل غضب وشر) :

- طيب فكري بس تقربي منه

إنتي لحد دلوقتي ما شوفتيش غير أشييب الطيب

بس أوعدك لو كررتي الجملة دي تاني هاتشوفي إلي ماتقدريش

تتحمليه .

- خد إبنك وغور وسيبوني في حالي .

إترسم غضب رهيب على وشه، وبدأ يطول لحد ما راسه

وصلت قرب السقف

والشعر إلي كان في رجليه بس فضل يزيد بغزارة لحد ما غطا

جسمه كله حتى وشه

والهدوم إلي كان لابسها إتقطعت، وظهر قدامي وحش

نجيف من وحوش باطن الأرض

وبعزم مافيه ضربني بالقلم ووقعت فاقدة الوعي .

معرفةش غبت عن الوعي قد إيه، فقت على صوت بكاء

بصوت حد أنا وإنْت عارفينه كويس أوي ( صوت أبوك ) .

حسن ( باكياً ) :

- قومي يابنتي .. قومي يا ضنايا .. مالك يا حبيبتى .. جراك إيه ؟

أميرة ( إنفجرت باكياً وصارخة ) :

- ما إنْت عارف يا بابا جريالي إيه، أنا مش قادرة أصدق إنك

إنْت ممكن تكون أبويا

- ليه يابنتي بتقولي كده ؟

أميرة ( صارخة ) :

◆ - كفاية كذب بقى، أنا عارفة كل حاجة، عارفه إنك بعنتي

علشان بتدور على كنز وهمي، أيوة وهمي، أحب أقولك إنك

بعنتي ببلاش ومفيش كنز، عارف ليه ؟

علشان إلي إنْت حضرته طلباته ملهاس سقف ولا نهاية،

ودلوقتي عايز ياخدني معاه تحت الأرض .

أميرة ( بابتسامة هستيرية ) :

- مبروك يا أستاذ حسن هتبقى جدو أنا حامل من أشيب،  
مش ده كان اتفاقك معاه من الأول؟

وبعد ما كان في الأول بيقول إنه مجرد ما ياخذ ابنه هايسسبيني  
ويسلمك الكنز المزعوم

دلوقتي بيقولي إني لو ما نزلتس معاه مفيش أي حاجة هتحصل  
ولما فكرت أعترض أديك شايف النتيجة .

- الموضوع مش زي ما إنتي فاهمها، أنا كان كل هدفي إني  
أأمن مستقبلك إنتي والحوكي .

أميرة ( بغضب ) :

- تأمن مستقبلنا بالي إنت عملته فيا ؟!

أنا عمري ما هسامحك، الفرق بيني وبينك إني كملت إيلي  
إنت بدأتاه علشان خايقة عليك إنت وأخويا من بطش أشيب،

إنما إنت بعنتي وياريتك قبضت التمن، بعنتي ببلاش .

حسن (باكيا) :

- أرجوكي كفاية، أنا هفسخ العهد كله .

- إزاي ؟


- هقطع الكتاب وزى ماتيجي تيجي .

- حتى دي مش مضمونة، مش يمكن لما تقطعه أنا إيلي

أموت ؟

- كفاية يابنتي أرجوكي أنا مش وحش زي ما إنتي متخيلة.

- أرجوك أخرج إنت بره وسواء أنا خلفت وسابني أو خدني معاه أو موتني إنت خلاص خرجت من حياتي، وأنا كان ليا أب إسمه حسن عطية مات من شهر إننا إنت مجرد صورة ممسوخة مشوهة منه.



إتفضل أخرج بره  
ده كل إللي حصل يا سامر  
أنا معرفش أبوك هيعمل كده فعلاً ولا إيه؟  
ونتيحة إللي هيعمله ده هتكون إيه؟  
كل ده مش فارق معايا .

لما يوصلك الفويس ده يا سامر يمكن أكون بالفعل ولدت  
الله أعلم هكون موجودة في أوضتي ولا عند عشيرة أشيب

ولا ميتة بسبب فسخ العهد بين أبوك وأشيب .

آخر حاجة هقولها لك أنا ضحية لطمع وجشع أبوك حتى لو  
زي ما يقول إن نيته كانت خير .  
إدعيلي .

أختك أميرة .




الفصل السابع عشر

(نهاية مؤسفة)

BOOKS



بعد ما خلصت الرسالة الصوتية سمعت صوت دوشة بره  
خرجت لقيت سامر واقف وحواليه مجموعة ظباط  
بصيت وأنا مابعلقش وخصوصًا لما لقيت سامر بيشاور  
للظباط على أوضة أبوه  
ويقوله : هو جوا الأوضة دي .  
وبعدها سامر بص لي  
وقالي :



- كلامك يانادر فوقني ما كانش ينفع أفضل ساكت على حق  
أختي...  
أنا بلغت عن أبويا إنه تسبب بطريق غير مباشر في قتل أميرة .  
وكان أنا مش مستبعد إنه يكون ليه يد في إلي حصل للدكتورة

نعيمة

وعلى فكرة هي ما ماتتش .

- ما ماتتش !؟

- أيوة ما ماتتش ، في حد جه من شويه من طرف الممرضة  
المشرفة على حالتها، ويقولك : الدكتورة نعيمة ما ماتتش  
وعاوزه تشوفك ضروري

وفي مشهد أشبه بالدراما العربية خرج حسن في وسط ضباط الشرطة مستسلم خانع، الحزن واليأس يسيطر على كل ملامحه. خدوه في البوكس ومشيو .

خذت تاكسي ومشيت وراهم وسامر رفض يبجي معايا .  
عرفت مأمور القسم بنفسي وقولتله أنا محتاج أقعد مع حسن دقيقة واحدة الضابط رد وقالى .

- الراجل ذه مجنون وقتل بنته كان عايز يقدمها كقربان لفتح مقبرة تحت بيتهم  
النوعية دي ياماعدت علينا، مرة يدبحوا عيل، مرة يدبحوا بنت عذراء

لكن أنا ماشوفتش حد بالجحود ده إنه يموت بنته ضناه

علشان شوية فلوس !

ده لو حتى مال قارون مايخليهوش يعمل كده في بنته !  
وبعدين عساوز أقولك حاجة، الراجل معترف من وهو في البوكس بكل حاجة

فمالوش لازمة تتعب نفسك معاه .

- يافندم أنا مش جاي له كصحفي، الراجل ده أنا أكلت في

بيته

ويجمعني بيه كل خير وواجبي يحتم عليا أسأله لو في محامي

معين هو عاوزه.

- حاضر يا أستاذ، هو على العموم ملحقش يدخل الحجز

هيبت لهم يجيروه .

بعد مرور عشر دقائق دخل حسن وعلى وشه نظرة ملهاش

وصف

تقدروا تقولوا مزيج من الندم والحسرة والياس .

الضابط قام من على مكتبه وقالى :

- هاسيبكوا خمس دقائق .

عم حسن قاعد قدامي ولسه هابتكلم وقبل ما أقاطعه

افتكرت المشهد بالكامل اللي شوفته في الصندوق ولقيتني بقوله

- انا عندي سؤال واحد بس : ليه ؟ ليه بعث لي ؟ ليه جبنتي ؟

الموضوع إتفصح وإتعرف بسبب وجودي هنا

أنا لو ماجيتش ولا كان حد هاعرف حاجة

ريخني أرجوك وقولي جبنتي ليه ؟

- معرفش .

- هو إيه إلی ماتعرفش ! بعث جبنتي ليه ؟

- مش يمكن وجودي هنا ينقذ إبنى ؟

أنا بعد موت أميرة أدركت إن كلام الساحر في نقض العهد  
كله حقيقي والبداية كانت أميرة، كنت متخيل إن الانتقام اللي  
بعد موت أميرة هيكون مني لكن أشيب ظهر لي وقال لي :

إنت أخليت بالعهد وأنا أخذت طلبي كده وحرقت  
قلبك على بنتك إلي حرممتي منها، إوعى تفكر إن كده آخرها،  
الدور دلوقتي على سامر .

حسن : أرجوك إعمل فيا اللي إنت حاوزه بس بلاش إبني .

أشيب : إنتهى وقت الإختيارات .

بعد ما حسن حكالي كل ده سألته :

- فاكسر أول ما أنا جيت وحكيتلي إنك دخلت على بنتك

الأوضة ولقيتها شبه الوحوش، كنت بتكذب صح ؟

- أه

◆ - إنت إنسان مش طبيعي ولآخر مرة هسالك بردو جبثني

ليه ياعم حسن ؟

- علشان أنا عارف إن ليك باع طويل في عالم الجن والأشباح

من كتر ما قريت كل كتاباتك، ولما وصفت بتي بالوصف

المرعب ده كنت بحاول أغريك علشان تتحمس للموضوع

أكثر وتتمسك بإنك تكمل للأخر، وأديني بقولها لك لأول مرة

بصراحة أنا جايبك علشان تنقذ إبني .

- هو مش كان الإتفاق إن بعد ما أميرة تخلف كل شيء يرجع زي ما كان؟

- نفس السؤال ده أنا سألته للساحر، وكان رده :  
إن للأسف أشيب من أشر طوائف الجن ومالوش عهد ولا كلمة ولا ملة

وإن من الواضح إنه طمع في بنتك، وللأسف دي ملهاش حل، وإوإعاك يا حسن عقلك يوزك وتقطع الكتاب لأن الشر هيطول الكل

- مين إالي مسح الرسالة الصوتيه إالي أميرة بعته لسامر؟

- رسالة إيه؟

- الرسالة إالي حكته فيها عن كل مصايبك.

- معرفش، أقسمك ما أنا، أنا أول مرة أسمع موضوع

الرسالة ده.

- مش فارقة كثير إنت أو غيرك، كل حاجة إنكشفت خلاص

وأشيب مش هيرحم حد.

- كان عندي أمل يكون مجرد تهديد أو حتى إنتقامه يكون

مني أنا بحكم إن أنا إالي قطعت الكتاب مش من بنتي المسكينة

ولا من ابني إالي مالوش أي علاقه بالموضوع

- يااااااااااااه مسكينة !!

دلوقتي بتقول عليها مسكينة ؟!

بعد كل إزاي اللي عملته فيها ؟

هتعيش إزاي اللي باقي من عمرك ؟

- ومين قالك إن أنا عاوز أعيش ؟

- مين إزاي حرق نعيمة يا حسن ؟

- أنا .. دي واحدة فضحت بنتي وخلتلك تشك في سلوكها .

نادر (صارحاً بغضب) :

- أنا مش قادر أصدق إن في بني آدم زيك !

ومين السبب في كل ده من الأول ؟!

- أنا أبوها .

- تصدق إن إنت حلال فيك الإعدام مليون مرة

أنا كل ما أتعاطف معاك ولو للحظة أبقى عايز أضرب نفسي

ستين جزمة،

إنت إزاي زيك عقابه إنك تعيش بعذاب ضميرك لآخر يوم

في عمرك .

- أرجوك بحق الكام يوم إزاي قعدتهم معانا، إنقذ إبنني .

- مش يمكن أشيب مش هيعمله حاجة ؟

- الله أعلم.

الباب فتح والضابط دخل وشاورلي إني أخرج له بره، قمت  
خرجت و الضابط قفل الباب على حسن لوحده وقالي :  
الضابط :

- في حاجة جديدة حصلت .

- حاجة إيه ؟

- ابن المتهم إتقتل .

- حصل إزاي ده ؟! وامني ؟

- بعتنا نجيبه بناء على طلب أبوه قبل ماتيجي، والأمين إليلي  
راح يجيبه بلغنا إنه لقي سامر متعلق على حيطه وأطرافه متقطعة  
ومرمية جنبه في الأرض  
وراسه لقاها في أوضة أخته .

أنا كده كده هحتاج شهادتك لأن القضية دي متشعبة جداً  
وفيها حاجات غامضة كتير .

- مين هيبغ عم حسن باللي حصل لسامر ؟

- سيب لينا المهمة دي .

- طيب أنا لازم أرجع القاهرة .

ده رقم تليفوني وقت ما حضرتك تعوزني هاجي علطول

(٠١٠)

- هتسافر دلوقتى علطول ؟
- يادوب ورايا مشوارين هعملهم وبعدهم هسافر علطول .
- خرجت من القسم واتجهت فوراً للمستشفى إالى فيها
- الدكتورة نعيمة .

قابلتني إخلاص مشرفة التمريض في المستشفى  
وعلى وشها ابتسامة ممزوجة بحزن دفين وقالت لي :-  
- إتأخرت يا أستاذ نادر .

- ماتت ؟!
- من خمس دقائق .
- طب وماقالتلكيش حاجة تقوليها لي ؟
- قالتلي جملة واحدة .

- إيه هي ؟
- بلغني نادر إن الكفن كان مقطوع نصين علشان أميرة
- خلفت إثنين
- نادر (مندهشاً) :

- توأم ؟! وراحوافين ؟
- أنا مش فاهمة حاجة أصلاً من الكلام ده، أنا نقلت الرسالة

وخلص



وبعد إذن حضرتك لازم أدخل الرعاية أشوف باقي الحالات.  
مشيت من المستشفى وطلعت على مقابر بورسعيد القديمة  
وروحت لقبر أميرة ووقفت قدامه وقلت لها :

— أنا متأكد إنك سمعاني، يمكن ماتكونتيش تعرفيني قبل  
الزيارة إللي فاتت

لكن أكيد دلوقتي عرفاني .

أما أنا فعارفك أكثر من ناس كثير كانوا المفروض قريبين  
منك .

أنا جاي أقولك كلمتين لازم تسمعيهم :

— أميرة إنتي ضحية لأب جاهل طمعه عماء .

ضحى بيكي وهو مش مستوعب تبعيات إللي هو بيعمله .

عاوز أقولك آخر حاجتين أو يمكن ثلاثة :

أولهم : أنا عمري ما هنسكي .

ثانياً : أبوكي في عقاب مستمر من أول لحظة دخل فيها أشيب

حياتك ولسه الجاي أكثر وأسوأ .

ثالثاً : وقبل ما أمشي، من النهارده مش هتكوني لوحك لأن

سامر أخوكي

إللي بيعبك وعمره ما شك فيكي، وهو إللي بلغ عن أبوكي

.. أحب أقولك

إنه جايلك في الطريق وهتونسوا بعض لحد ما كلنا نقابل رب كريم .

أستاذك علشان ورايا سفر، سلامُ عليكم .  
قبل ما أسافر رجعت الشقة ودخلت لقيت بقايا مسرح الجريمة

تجاهلت كل ده ودخلت على أوضة أميرة لميت كل حاجتي ولقيته قدامي واقف كأنه بيهداني (صندوق الموسيقى)، فتحته لقيت المفتاح موجود وده معناه إن تقريباً الحكاية خلصت .

وبنظرة خاطفة في المراية إالي جوا الصندوق لمحت أطياف كثير بتتحرك وسمعت صوت الشريحة بتتحرك من جديد .

قمت زي المجنون جبت المطرقة من الأرض ونزلت تكسير في الصندوق بكل غضب وغل وكأني بنتقم لأميرة من أشيب واللي عمله فيها بتحطيم الصندوق .

ما فوقتش غير والصندوق متفتت مليون حنة والمفتاح مقطوم نصين

حسيت وقتها براحة ما حسيتهاش من وقت ما دخلت البيت الملعون ده .

وانطلقت في طريق العودة، ركبت مواصلات في طريقي

للقاهرة

وبحاول أفضي دماغي بعد المعركة إلي عشتها طول المدة اللي  
فاتت ، قطع حالة السكون إلي أنا فيها رقم بيتصل بالبحاح شديد.

- ألو .. مين معايا ؟  
- أيوة يا أستاذ نادر، أنا مندوب الشحن إلي كنت عند  
حضرتك من كام يوم إلي جيتلك القطة .. فاكرني ؟

- آه .. آه خير ؟

- الصاروخ جه تاني .

- فعلاً ؟!

- آه .. بس حصل حاجة غريبة أوي .

- خير ؟ اتخفني .. أصلها ناقصاك إنت كمان .

- البنت دي جت تستلم طرد جايلها، إنت عارف الطرد يا

أستاذ نادر كان فيه إيه ؟

- القطة .. صح ؟

- إيه ده !! إنت عرفت إزاي ؟

ده أنا قولت إنها قطة شبه إلي إنت خدتها بالضبط، لكن هي

قالت

( إن القطة أدت المهمة وإنت رجعتها لها ) .

خير .. خير .

مش عاوز تعرف إسم صاحبة القطة إيه ؟

قول ياسيدي إسمها إيه ؟

آنسة هالقة

تمن

BOOKS

